

नमो तस्मै भगवतो अरहतो सम्मासम्बुद्धस्स

धर्मोदय

नेवाः भाय्या लय् पौ



ढँ—३

ल्याः—

१३, १४

कल्ला

थिंला



कालिम्पोग धर्मोदय समी

बुद्ध संवत्

२५२३

नेपाल संवत्

११००

मू—

१/५० भा० रु०

२/- ने० रु०

दक्षिण्या मू—

१८/- भा० रु०

२४/- ने० रु०

ध्व ल्याया मू—

२.०० भा० रु०

२.५० ने० रु०

भलःपौ

चिनाखँ—

१. जीवन परिचय	अवागारिका संघरक्षिता	१३
२. न्हू दः छगू प्रतिक्रिया	योगवीर शाक्य	१६

बाखँ—

३. भाग्यया ल्हाती बिरुपाक्ष व ईडिइपस	बरेजु, सिद्धिरत्न	६
४. बुद्धयात खनेवं	सम्यकरत्न बज्जाचार्य	१६

चवखँ—

५. बुद्धं शरणं गच्छामि	विजयेश्वर वैद्य	२
६. मैत्री भावना	महेन्द्र रत्न शाक्य	३
७. विशुद्धि मार्ग	अनु० भिक्षु बुद्धघोष	६

संस्मरण—

८. महाप्रज्ञा लुमनाः	'ज्योति' शाक्य	१३
----------------------	-----	-----	----------------	-----	-----	----

विविध—


९. बुद्ध वचनमृत	१
१०. प्रधान सम्पादकयात पो	१२
११. प्रकाशकया पाखे	१६

मचाखाचा स्तम्भ—

१२. ताणया छगू खँ	सुजीव कुमार शाक्य	१२
------------------	-----	-----	-------------------	-----	-----	----

स्थायी स्तम्भ—

१३. प्रधान सम्पादकया खँ	२०
-------------------------	-----	-----	-----	-----	-----	----



चरथ भिक्खवे चारिकं बहुजन हिताय बहुजन सुखाय लोकानुकम्पाय अत्थाय हिताय सुखाय देवमनुस्सानं
देसेथ भिक्खवे धम्मं आदिकल्याणं मज्झेकल्याणं परियोसानं कल्याणं सात्थं सव्यञ्जनं केवलं परिपुण्णं परिसुद्धं
ब्रह्मचरियं पकासेथ । (—महाबग्ग, विनयपिटक)

प्रधान सम्पादक

भाइचन्द प्रधान

सह—सम्पादक

दरशा नेवामी

योगवीर शाक्य

प्रकाशक

श्रामणेर महावीर

व्यवस्थापक

रत्न उपासक 'तुलाधर'

गवाहालिक.पिं

तारा उपासक

केशर बहादुर शाक्य

कालिम्पोङ्ग

वर्ग ३

कार्तिक, मंगसीर २०३६,

नोभेम्बर दिसेम्बर '७६

ल्या
१३ व १४

नमो तस्स भगवतो अरहतो सम्मासम्बुद्धस्स

बुद्धवचनमृत

हितकारो परो बन्धु बन्धुपि अहितो परो ।

अहितो देहजो व्याधि हितं अरञ्जमोसधं ॥

कतः हे जुल धासा नं थःत हित याइम्हसित थः थिति सम्झे जुइमा, थः थिति हे जुसा नं
थःत अहित याइम्हसित कतः धका सम्झे जुइमा । थःगु शरीरं हे उत्पन्न जुसा नं रोसं थःत हित याइ-
मखु, बने उत्पन्न जुसा नं ओषधि थःत हित याई ।

अधनस्स रसे खादा अबलस्स हनकारो ।

अपञ्जस्स वाक्यरत उम्मत्तका समी इमे ॥

धन मदुम्ह मनू नं उत्तम भोजन यायगु इच्छा याई, बल मदुम्ह मनू नं अहंकार याई, बुद्धि
(प्रज्ञा) मदुम्ह मनू नं आपा खँ ल्हाई—थुपि वें हे समान खः ।

बुद्धं शरणं गच्छामि

—विजयेश्वर वैद्य ।

भसंग न्हालं चाल । प्वालाक्क चाःगु मिखा धलिमय् वना हात । गय्गय् म्ह इयातु थें ताल कपा स्याना च्वन । सने हे मं मदु । ल्हाःतुति नं यागलांप्यागलां वं थें जुल । चःति नाः चाः वयाच्वन । सुथय् दंसां निसें हे छु जुगु थ्व ? गय् जुगु ? थौं चाहने म्हंगु म्हंगसया प्रभाव ला ? मंमदु-मंमदु दना इयाः चायेका पिने थय्क स्वया । न्हाबलें थें थौं लू-निभा-या ह्याउंगु लाली मदु । न भंगप-न्धितय्गु न्हाइपुसे च्वंगु सः हे दु । सुथः जुइधुंका नं धरती न्यंक छ्युउंसे च्वं । सुथःया छु अस्तित्व मदु, चहल पहल मदु । सर्गः छपातं हाकूगु सुपाय्तं भुनाच्वन । छगु हे सुं इवारारारा वाः वयाच्वन । वाः वयाच्वंगुया सः न्यन्यं जित दिक्क जुल । लय् जुपिं किको हे खने मदु अबले हे प्वालाक्क पल्पसा त्वल । हानं भतिचा लिपा न्हाय्पया पिलि हे गुईथें च्वंक नं न्यात । जित साप हे म्हाइरुया वन । इयाः तिना थःगु लासाय् ग्वारातुला । छायाछाय्, थौं जिगु मन थातय् मलाना च्वन । भ्याः हे चित्तासु मदु । नं न्यागु सःलं जित थाह्ला-थाह्ला न्हुईका च्वब ।

थौं म्हंगसय् नं छु जक म्हंगु ल्या ? मतिइ खने दुगु ला का-स्वंगुगु विश्व-युद्ध जुगु हँ । क्या गजब ! म्हंगसे हे जि गनय्गु ग्याःगु धयां ! गन्यागु विभत्स दृश्य व ! मनूनं मनू स्यानाच्वंगु । ओहो ! संसारय् हिया खुसिबा वल । न्हागुलिं महासागरत मनूतयेगु हिं ह्याउंसे च्वब । गोली मुयाच्वब, बम तज्यानाच्वन । हवाईजहाज, राकेट, द्याङ्ग लिमलाफ-मलां जुयाच्वन । वातावरण हे ग्यानपुसे च्वं । शहर गां दक्क भस्म जुल । ताजमहल ध्वस्त जुल, चीनया विशाल पःखाः दुन, इजिप्तया भराय्दंगु पिरामिदत कबदल, आक्रोपालिसया एपोलो देगः भस्म जुल । न्यातपी, कृष्ण देगः, तलेजु देगः, पशुपति, स्वयम्भू नं छु मल्यन । मानव सभ्यताया चिं छु छुं हे मन्त । संसार भिर्भांमिर्भां दन । मनूतसे थःगु विवेक तंकल । अपिं मनू मखु, पशुत थें जुयावल । अले धमाधम आय्तम बम मुल, हाइड्रोजन बम तज्यात, न्यूक्लियर बम नं सुम्क मच्वन । यू.

एच. ओ. छम्ह सुनां वास्ता मयासां थःगु हे सुरं कथु हे सुक्क “शान्ति । शान्ति ।” धको हालाच्वन । अबले हे यू. एन. ओ. या बिल्डिङ्गे छगः बमं मुल । यू. एन. ओ. या आस्तित्व कुचाकुचा दल । हानं छगः बमं हिमालयात नं लः लः यानाबिल । सुनां सुईत गने मफु, पने मफु । बमत मुयाच्वन, धमाधम मुयाच्वन । थ्व पृथ्वी थे छियाछिया जुल, कुचाकुचा दल । धु-धु जुया ब्रम्हाण्डे ज्वल, नौ-नौ जुया तनावन । खः, थ्व पृथ्वी तनावन, पृथ्वीया अस्तित्व तनावन । थ्व संसार मन्त, संसारया अस्तित्व मन्त । अले थन च्वपि मनूत.....?

खः ला थ्व सत्य मखु, वास्ताविक मखु । थ्व ला सिफं वाहियात म्हंगस जक खः, जिगु मार्मिक विकारया परिणाम । छभा दक्वो दुःख तंगु थें जिगु मन सिच्चुसे च्वन, फय्थें याउंसे च्वन । तर जि ताउतक आनन्दित जुइ मफुत । जिगु मने छगू आशकां इवाम्म त्वःपुवल-यदि व धाथें सत्य जुसा ? जितः बिचा याय् हे ग्यासे वल । थ्व ला गय् जुइ फइ ? मनूथें जाम्ह विवेकशील प्राणी नं थःम्ह थःगु बिनाश याई ला ? थःगु विवेक अर्थे भौ याबा छवइ ला ! अय्तं जिगु मन मानेमजु । मनूया छु विश्वास ? न्हापांगु व निगूगु विश्व युद्धे मनूया विवेक गन वन ? हानं थौंया वास्तविक परिस्थितिं व ग्यानपुगु ईयात व्वना च्वं थें ताल । थौं मनूतसे मनूतयेत म्हसिके मफु । छम्हसिन मेम्हसिगु नुगः थुइके मफु । उकिं ला मनू-मनूया दथ्वी त्वापु जुयाच्वन । हत्या, षडयन्त्रया समाचारं अखबारया पौ जायाच्वन । युद्ध, संघर्षया खबर व्यूय् रेडियोयात फुसंत मदयाच्वन । खुं, डांका, लुच्चात भनभन उप्पया वयाच्वन । अले छु-छु जुयाच्वन, छु-छु । संसारया गुगुं कुनय् नं शान्ति मदु । न्हाथासं कहल, अशान्ति, युद्धं जायाच्वन । थन्यागु तालं जुसा व म्हंगस-म्हंगस जक मजुसे वास्तविक मजुइ धका सुनां धाय्फु ? तर हानं, व वास्तविक जुया बिउंसा, जिगु भविष्य...मनूया भविष्य...संसारया भविष्य.....?

मैत्री भावना

—महेन्द्र रत्न शाक्य

“परियन्ति सद्वृत्तं पालकं”
नेपाल बौद्ध परियन्ति शिक्षा

भगवान् बुद्धं कथा विज्यागु सम्पूर्णं धर्मयात
सूत्र, विनय व अभिधर्म पिटक धका स्वंगु पिटके
विभाजन याना तःगु दु । व स्वंगु पिटक त्रिपिटकया
सार नं स्वंगु हे दु । व खः—शील समाधि व प्रज्ञा ।
शील परिपूर्णगु व समाधि युक्तगु चित्ते प्रज्ञाया जः
उत्पन्न जुइ । शीलया साधारण अर्थ सदाचरण खः ।
गनतक मनूतय्के शील, गुण, धर्म दइ मखु, अनतक
इमित बौद्ध धका धाय् फइ मखु, सत्पुरुष धका
धाय् फइ मखु । वर्थेतुं बौद्ध साधकपनि निम्ति
शीलया गुलि आवश्यकता दु, उलिहे समाधिया
आवश्यकता दु । समाधिया साधारण अर्थ ध्यान
भावना खः । भेगु अर्थ थःगु चित्तयात सुविनीत

ओहो ! थव गन्यागु न्ह्यासः ! जित लुमंके
तंक नं मंमदु । जि थःगु बिचा हियकेत स्वया ।
तर थव न्ह्यासलं जिगु नुगःयात कय्कय् पुयाच्वन ।
मिखा जाय्क थव हे न्ह्यासः जक दं वल । न्ह्याप
दंक थव हे न्ह्यासः घुनुनु थवयाच्वन । जिं थव
न्ह्यासःया लिसः बिइत सना । तर जिगु नुगल्य
भबखाय् वल, हाहाकार जुल । जिं व याय्, थव
याय् मसिल । जित उकुसमुकुस धाया वल । जित
छुयें नं घोछि हे च्वने मःमंत । छुयें च्वनकि
थन्यागु थन्यागु खं छुयो स्याका च्वनेमालिगु । थौं
गय्गय् पिहां नं वने मःमंत । पिहां वनां नं गन
वनेगु ? गन दु शान्ति ? न्ह्याथाय्स्स, व हे अशान्ति,
व हे अन्याय, व हे अत्याचार, व हे असमानता,
व हे संघर्ष । दक्वो थासय् व हे हंसंसं दंगु फय् व
हे कालकुल सः । जानौं थव संसार म्वाना च्वनेत
मल्बय् धुकल । जित च्वंच्वं थें च्वने मछुत ।
फयेतुसां मज्यु, द्योसां मज्यु । जि हिमीचाल ।
जित दक्वोसिन हिस्याना च्वं थें च्वन । जित लागि-
लागि चाय् मास्तिवल । वे थें सर्गः हे थवक
चित्हाय् दने मास्तिवल । ब्वाय् वनां थव संसारया
घायाजाल दक्वो इयातभूत याय् मास्तिवल । जित
ला हरे, छु छु जक याय् मास्ति वः, छु छु तर,

याय्गु चित्तयात एकाग्र याय्गु हे समाधि खः ।
अथवा थःगु चित्तयात सुविनीत जुइक दमन याय्गु,
गुगुं छगु भिंगु आरम्भणे चित्तयात एकाग्र याय्गु
अर्थात् चित्त यात भिंगु ले येंकेगु कुतः वा ज्यायात
हे समाधि वा भावना घाइ । भावना मदुगु चित्त
चञ्चल जुया च्वनी । चञ्चलगु चित्तं सत्ज्ञान सत्
विचार त्वीके फइ मखु, वं केवल दुःख जक बी
सिवाय् सुख बी मखु । उकिं धया तःगु— शत्रुं
शत्रुयात वारी वरियात गुलि हाबि याइगु खः व
स्वयानं अधिक हानि मभिंगु ले वना च्वंगु चित्तं
याइ । हानं भिंगु मार्गे वना च्वंगु चित्तं

तर.....! जि छुनं याय्त असमर्थं । जि अस्तिस्वहीन ।
जि नामदं । जित सनां सने मजिक स्वःतावक चिना
तःथें जुल । जिगु नुगः दुखदुख छवयाच्वन । जिगु
मन अस्थिर जुयाच्वन । मने च्वंगु अशान्ति छुं
भचा क्वःलाईला धका आकासपांखे स्वया, तर
अन शून्य सिवाय छुं मखन । अनं मिखा लिकाबा
वाउँगु सिमात स्वया, तर अपिं ला जित ज्वनेत
ताक स्वया च्वंपि लाखय् लःसित थें च्वन । अनं
नं काचावक मिखा लिकाना । क्वथाया चाकलिं
स्वया तर क्वथां नं जित कुनेत स्वया च्वं थें ताल ।
हानं सफूत व्वनेत कुतः याना । अहं आखः छगः
हे नुगले दुहां मवं । जि निराश जुया । ताहाकगु
भसुका वल । थय्क छुयो त्त्वना स्वया । जिगु
मिखा अंगले स्त्रायातःगु भगवान् बुद्धया किपाय्
जूवन । जिं व किपा लिकाबा बाँलाक, क्वथिक
स्वया । बुद्धया शान्त व सौम्य ख्वालं जित आनन्द
बिल । मानौं बुद्धया व चेहरां जिगु नुगः दुने च्वंगु
दक्वो अशान्तियात च्छुका यंकल । जिं छुको याउँक
सास ल्हाना । जित बुद्धं स्यना थकुगु मानवोपयोगी
उपदेशत लुमन । हानं थौकन्हेया संसारया परिस्थिति
लुमन । अले मचाय्कं हे जिगु म्हुतुं पिहां वल—

“बुद्धं शरणं गच्छामि !”

थःत गुलि उपकार याइगु खः, उलि उपकार मां-बौ थः थितिपिसं नं याय् फइ मखु । उकिं चित्तियात बसे तयगु चित्तिं हानं थःत हित सुख याय्गु त्रित्तिं भावना याय् माःगु जुया च्वन ।

भावना निता प्रकारता दु—समथ व विपस्स-ना । उकिमध्ये समथ भावना पीता (४०) प्रकारया दु । उकिमध्ये प्यंगु अप्पमञ्जा भावनाय् अन्तरगतगु न्हापांगु भावना मैत्री भावना खः । थन मैत्री भावनाया वर्णन याये न्हयः द्वेषया दुष्परिणाम व शान्ति सहनशीलताया सुपरिणाम उल्लेख याय् बहःजू । कारण-मैत्री भावना याइम्ह योगिं एकान्तगु थासे च्वना मुलेपति ध्याना म्ह तप्यंक तया आसचै च्वने धुंका न्हापां द्वेषया अवगुण व शान्तिया गुणयात प्रत्यवेक्षण याना स्वय्मागु जुया च्वन । छाया धाःसा द्वेषयात त्याग याना शान्ति प्राप्त याय् मागु नितिं हे मैत्री भावना याय् माःगु खः ।

द्वेष धंगु तँ पिहां वंगु धका फुकसिनं नं स्यू । तर व द्वेष उत्पत्तिया कारणयात द्वेषया यथार्थ स्वभाव यात, द्वेषया दुष्परिणामयात, द्वेषया अवगुणयात हानं द्वेष मदय्केगु उपाययात फुकसिनं नं मसी फु । द्वेष छु खः ? द्वेष छु याइ ? धंगु विषये विस्तृत खँ त्रिपिटक ग्रन्थे कना तःगु दु । साधारण अर्थे द्वेष धंगु तँ खः । अहंकार क्रोध आदि शब्दनं थुकिया हे पर्यायवाची शब्द खः । अभिधर्म अनुसारं द्वेष छगू चैतसिक खः, नाम धर्म खः ।

“दुस्सतीति दोसो” अर्थात् काय एवं चित्त चैतसिक धर्मयात दुषित याइगु, विकृत याइगु नष्ट याइगु धर्म यात द्वेष धाइ ।

“चण्डिक लक्खणो दोसो” चण्डिकत्व (प्रचण्ड स्वभाव) द्वेषया लक्षण खः । गथे हाकुसे च्वंम्ह भयानकम्ह सर्पयात सुँ, छम्हसिनं अवर्थ यात कि वं थःगु प्रचण्ड स्वभाव प्रदर्शन याइ, उगु हे रूपं चित्त चैतसिक धर्म नं जब गुगु अनिष्ट, अप्रिय आरम्भणे समागम जू वनी अले उकिया चण्डत्व, कडागु, भयानकगु लक्षण प्रकट जुइ ।

“निससयदाहरसको” थःगु निश्चय वा आश्रय (आधार) जुया च्वंगु, लिधंसा जुयां च्वंगु काय एवं चित्तयात दाह याइगु थुकिया ज्या खः । गथे मिं थःगु आश्रय (लिधंसा) जुया च्वंगु सिं, होंगो आदि यात दहन याइ (छ्वेकी), अथेहे द्वेष नं लिधंसा

जुया च्वंगु सम्प्रयुक्त धर्म (चित्त चैतसिक धर्म) यात दहन याइ । सम्प्रयुक्त धर्म दन-दन च्याना वल कि सम्प्रयुक्त धर्म उत्पन्न जुया च्वंगु चित्तज रूप नं थव हे द्वेषया कारणं च्याना वइ । चित्तज रूप धंगु चित्तं बने जूगु रूप खः ।

भीगु शरीरे प्यता प्रकारया रूप दु—चित्तज रूप, कर्मज रूप (कर्म बने जूगु), ऋतुज रूप (ऋतु बने जूगु) व आहारज रूप (आहार बने जूगु) । गबले चित्तज रूपयात द्वेष दहन याइ, अले क्रमसः कर्मज, ऋतुज, आहारज रूप नं च्याना वइ । थुगु रूपं सम्पूर्ण नाम रूप-स्कन्ध छवया वइ, च्याना वइ । अतः द्वेष उत्पन्न ज्वीगु अवस्थाय् सम्पूर्ण शरीर रक्त वर्ण जुसे खाना च्वनी । द्वेषया वेग यदि बलवान् जुल धासा वयागु जीवन-सन्तति, जीवित्तिन्द्रियया उपक्षेद, उच्छेद तकं ज्वीफु, अर्थात् मृत्यु तकं ज्वी फु । उकिं नाम-रूप धर्मयात दहन याइगु द्वेषया ज्या खः ।

“दुस्सनपच्चुपट्ठानो, आघातवत्थुपट्ठानो” अवसर तथा मौका प्राप्त जुम्ह शत्रु समानं थवं काय एवं चित्तयात नष्ट याइ । थव हे थुकिया प्रत्युपस्थान खः । आघातवस्तु अर्थात् द्वेष्यवस्तु द्वेष उत्पत्तिया आसन्नकारण खः ।

आघातवस्तु भिक्ता दु—जित अहित (अनर्थ) यात, जित अहित याना च्वन, जित अहित याइतिनि; जिम्ह प्रिय व्यक्ति यात अहित यात, अहित याना च्वन, अहित याइतिनि; जिम्ह अप्रिय व्यक्ति (शत्रु) यात हित यात, हित याना च्वन, हित याइतिनि धका थःगु कारणे स्वंगु थः योम्ह व्यक्तिया कारणे स्वंगु व थःत, मयोम्ह व्यक्तिया कारणे स्वंगु-थुकथं गुंगु कारण व अस्थानकोप धका अतिकं वर्षा जुया च्वन, वा मवः, निभाः तसकं तवया च्वन, निभाः मत्वः, फयवया च्वन आदि कारणे छगू याना जम्मा भिगू द्वेष उत्पत्तिया कारण जुया च्वन । थुकथं द्वेषया अर्थ स्वभाव हानं उत्पत्तिया कारण इत्यादि यात बालाक थ्वीका, सीका द्वेषया दुष्परिणामयात खंके माःगु जुया च्वन ।

द्वेष महानम्ह शत्रु खः, द्वेष मभिंम्ह खः, द्वेष थःत व परयात गुबलें भिं याइमखु । द्वेषया कारणं हे सत्वं सत्यपिनि बीचे नाना प्रकारया त्वापु ख्यापु, कलह, उपद्रव आदि दया च्वनी । प्राणीपिनि बीचे अन्याय, अत्यचार जुइगु, हत्या जुइगु, कडागु, असहचगु वचन

प्रहार जुड़गु, बन्दुक, गोली, तरवार, अप्पा, लोहं, हातहतियार, बम इत्यादि प्रहार जुड़गु नं द्वेषया कारणं हे खः। प्राणीपिं गनतक द्वेषं दुषित जुया चवनी, अनतक अविद्या अन्धकारं तोपुया चवनी। द्वेषीम्ह मनुखं अर्थ अनर्थ सीमखु, याय् त्यो मर्यो सीमखु, खनी मखु। गन द्वेष उत्पन्न जुइ, अब प्राणी वै थें, कां थें जुइ मिखां छुं खनी मखु। उकिं धयातःगु—

“दोसो अर्थ न जानाति, दोसो अर्थ न पस्सति। अन्धसमं यदा होति, तदा दोसो भिज्जते वरं॥” अर्थात्—द्वेषं अर्थ-अवर्थ मस्य, द्वेषं अर्थ-अवर्थ मखं। गबले मनुयाके द्वेष उत्पन्न जुइ, अबले व कांम्ह थें जुइ उकिं द्वेषया स्वभाव अन्ध, द्वेषया लक्षण प्रचण्ड हानं द्वेषया परिणाम भयङ्कर जुइ। द्वेषया दुष्परिणामया विषय थब चूल धम्मपाल जातक उल्लेखनीय जू—

पूर्व समये वाराणसी देशे महाप्रताप जुजु राज्य याता चवंगु समये बोधिसत्त्व चन्दा देवी धयाम्ह वया पटरानीया कोखे उत्पन्न जुल। बोधिसत्त्वयात धर्मपाल कुषार धका चां छुत। मचा न्हेला दुबले छन्हू चन्दा देवी बोधिसत्त्वयात सुगन्ध लखं मोल्हुइका बांलाक समोयाबा मुले तया मिहता चवन। जुजु महारानीया खोपि वल तर पुत्रनाप मिहता चवम्ह उम्ह ममतामयी मामं पुत्र-स्नेहया कारणं जुजुयात खंसां थःगु आसानं दना सत्कार याय् मफुत। अले जुजु मती तल, थवं थः काय् छम्ह दुबले जित छुं गिन्ती मयात। कन्हे व मचा तःधिक जुइवले थवं जित मनु हे भापीमखु।

जुजुया चित्ते द्वेष उत्पन्न जुल। नुगले मिच्यावा वल। मिखां छुं मखन। थः काय् यात स्याय्गु निर्णय यात। तुरुन्त छम्ह घातक सःता ‘धर्मपाल कुमार कया हति’ धका आज्ञा बिल।

घातक महारानीयाके चवम्ह मचा लाका हल। महारानी ल्यु-ल्यु खोया वल। जुजु मचाया ल्होः निपां त्वाल्हायगु आज्ञा बिल।

महारानी ख-खवं जुजुयात बित्ति यात—
“महाराज! जिम्ह पुत्र न्हेला तिनि दुम्ह मचा खः। व मचां छुं मस्यु। वयागु छुं दोष मदु। दोष जिगु हे खः, उकिं जिगु हे ल्हा त्वाल्हाका बिज्याहुं।”

द्वेषं दुषितम्ह कांम्ह जुजुयात छुं लगे मजू। जुजु मचाया ल्हा त्वाल्हाके बिल, तुति त्वा ल्हाके

बिल, छयो त्वा ल्हाके बिल।

छको पत्तिं जुजुयात खोया ‘जिगु हे तुति, छयो त्वाल्हाका बिज्याहुं। मचायागु छुं दोष मदु’ वं बित्ति यात। तर उम्ह निसहाय महाराणीया प्रयत्न फुकं विफल जुल। लिपा मचायागु म्ह जक च्वे वांछवया तरवारे फया काल, हानं व फुकं पिने वांछवया बिल।

अजागु महान् अपराध यातं नं जुजुया प्रति सुनानं छुं धाय मफु, धाःपिं नं मदु। केवल महारानी छम्हजक खब खवं पिने वना मचाया म्ह नं काल छयो, तुति आदि स्व-स्वं वया नुग तज्याना वनी थें चवन। अले छाती दाया खब खवं धाल—

बहनूनिमस्स रज्जो भित्ता मच्चाव विज्जरे सुहदा,
ये न वदन्ति राजानं मा घातयि ओरसं पुत्तं॥
बहनूचिमस्स रज्जो भित्ता जातीव विज्जेश सुहदा,
ये न वदन्ति राजानं मा घातयि अत्रजं पुत्तं॥
चन्दनसारानुलित्ता बाहा छिज्जन्ति धम्मपालस्स,
दायादस्स पठ्ठ्या पाणा मे देव रुज्झन्ति॥

—निश्चयनं थव जुजुया सुं मित्र, अमात्य वा सुं थःथिति मदु गुम्हसिनं जुजुयात थः ओरस पुत्रयात हत्या याय् मते धका धया बी। निश्चयनं थव जुजुया सुं ज्ञोति बन्धुपिं मदु, गुम्हसिनं जुजुयात थःम्ह ओरस पुत्रयात हत्या याय् मते धका धया बी। थव राज्यया उत्तराधिकारी धम्मपाल कुमारया चन्दन सारं लिप्तगु छयो, ल्हा, तुति आदि छेदन जुल, थव खचा हे देव! जिगु प्राण लयनी मखुत।

थुगु रूपं बिलापयाना महारानी विरह थामेयाये मफया मुटु तज्याना अवसं प्राण त्याग यात। महारानीया शरीरान्त जूगु घटनां जुजुया म्हचलं चाल। काचाकाचां पिनेवया स्वःवल। तर वं याःगु अपारा-धयात थुगु महापृथ्वी नं सहयाये मफुत। अले निगू जाख व पीदो (२,४०,०००) योजन खवातुगु थव महापृथ्वी तज्यावा वन। जुजु अनहे कववाना अविचि वरके पतन जुल। मन्त्री व राजपुरुषपिसं बोधिसत्त्व व महारानीया मृतदेहयात अग्नि संस्कार यात।

थुजागु याय् मत्यगु महान् अपराध थोम्ह, छम्ह बिदीष, निर्पराधी बालख मचायात अत्यन्त अनुचितरूपं हत्या याकुम्ह महाप्रताप जुजु मखु। अजागु महाभयङ्कर पाप याकुम्ह ला द्वेष खः, तं खः। उकिं द्वेष महान् मभिंम्ह खः। द्वेषं दुषितम्ह मनुया सर्वत्र हानि जुइ, अमंगल जुइ। थुगु हे रूपं द्वेषया दुष्परिणामयात खंके माःगु जुया चवन।

भाग्यया लहाती विरूपाक्ष व ईडिइपस

—बरेजु, सिद्धि रत्न

विरूपाक्षया नां काल किं वैत म्हेमस्युपि मनूत म्हो जुइ । व छम्ह हिन्दू अले शिवभक्त नें खः । तर वया भाग्ये थः जननी (माँ) बाप सहवास मयासें मगागु खँ बाखँ व्वने बले सीका काये फु ।

ग्रीक देशे नं अजाम्ह छम्ह मनू दुगु जुल । निम्हसियां जीवने छगू हे घटना । मनूया रूपे निम्हं स्वाभिमानी, दया व गुणवान् । तर कर्म-या लहाती कर्तामरी । मतलब अभागी । निम्ह-सियां जीवने छगू हे किसिमया अपराध जुगु जुल । विरूपाक्ष पाप न्हंकेत शिव आरोधना यागु व ईडिइपसं प्रजाया सुखया लागि थःगु राजपाट त्याग याना नं थःत थम्हें सजाय व्युम्ह खः । उकिं भीसं ईमिप्रति घृणा-भाव पिमकासे सहानुभूति तय-माली । खजा थौंकन्हे कर्मया खँ लहाय्वले सुं पत्या जुइ फे मखु । थजागु खँ न्हयथनीपि अन्धविश्वासीया संज्ञाय् ल्याखे जाइ । अयसां थुगु बाखें गुलितक सत्य खः मखु धंगु पाखे विचा-मयासे जुइगु नं भीगु कर्तव्य मखु । सत्य-असत्य सीकेगु थःत परे जुइवं सी दै । न्ह्यागुसां थ्वे खँ छले तया आ बाखँ व्ववा स्वये । सत्य खः- मखु पाठकपिसं विचा याय्मागु जुल । बाखँया चु (आधार) थथे—

विरूपाक्ष धैम्ह माया याकः काय् । तःधंगु तपस्याया फल माया गर्भे जन्म काःवोम्ह । बःचा-धिक जुस्यैलि मागु विद्या स्यने-कने याना तल । ज्योतिष शास्त्रादि अनेक विद्यां पारंगत जुसेलि छन्हू थःम्हं सयेकागु विद्या पुरे जू-मजू स्वयत्त थःगु जन्मकुण्डली (जातः) स्वया ल्या खाना च्वंगु जुल । लिपा ल्याः स्वये सिधेव वं थःगु कर्म व भाग्ये थः हे जननीबाप सहवास मयासे मगा धंगु च्वया च्वैतगु जुया च्वन । थःगु भविष्य खना थारा न्हल ।

अहो ! थ्व खँ जा तःधंगु महापाप हे जुल । स्वस्व खंकं थः हे माँ गुम्हसें भिलातक दुःख-कष्ट नया प्वाथे घाना तःम्ह । वयात तःगोगु त्वहँत च्युथें जुल । भविष्यं खयाचो बिल । मि

पुना इतःमितः कम्ह थें मने डाहा जुल । मरू-भूमि न्यात फाटाफाटा पुलिथें जुया छटपटे जुल । न्वंवायेगु शक्तिहीन जुल । चि नम्ह खार्थे भुग्लु जुल । छन्हू ला 'धक्कार थ्व जिगु जन्म' धका मती तया पिहां वनेगु विचारं मांम्हसिके आज्ञा पर्ववन । मांम्हं याकः काय् जुगुलि फव्व धीजं बिया ह्योका पिहां वने सत्य धका-गन । तर वया मने अथाह सागरे किसिद्वबः वंथे अनेक खंत दासिवया-च्वन । उकिं छन्हू काशीवास हे वने धंगु मती तया सुतुक छें पिहां वना योगीया भेष धारण याना वन । तःगुमछि दे चाहिला व काशीवास थ्यंकः वन ।

विरूपाक्ष अन छगू सतले धुनी जगे याना बास च्वन । थुले मांम्ह नं काय्या वियोग बिरक्त व विरह जुया नुगः मछिका च्वन । लिपा काय्या आज्ञा मखना व नं 'धक्कार, याकः काय् हे न्ह्या-थ्याना च्वने मदुसा जि अभागी याकःवा छु याना च्वने' धया योगिनीया भेषे काशीवास वने धका वन ।

कथहनं दिन वनां च्वन । दँ-दँ दत । प्रकृति या ह्यपाकथं निम्हसियां म्हे परिवर्तन जुयां वन । कायम्ह नं ल्याय्म्ह जुया वल । योगीया भेष, खवा नं पाना वन । इमि थः भविष्यया खँ त्वमने धुकल । कर्मया लेखाकथं मांम्ह नं चाह्यु-हचुं वहे सतले बाय् च्वंवोगु जुया च्वन । एकान्तगु थाय् । निम्हं-मिसा-मिजं । काय् नं मांम्ह, मांम्हं काय् म्हेमसी धुकल । संयोग छगू थासे हे बाय् लात । जुजुं निम्ह-सिया दथुइ प्रेम-सम्बन्ध दैवल । थाय् बाय्या बारे न्यनेगु आवश्यकता मदु । निम्हं योगी-योगिनी । लिपा बापं च्वंच्वं, नया-त्वना जुजुं काम-वासनां थाय् कयां हल । छन्हू ला इमिगु भविष्यवाणी जुयां त्वतल । उलि जुइ धुनेव लिपा कलाः-भातयां सम्बन्ध जोड़े जुल । थःयगु जीवने योगी-योगिनी जुइ मागु खँ निम्हसियां व वैत, वं वैत कवा हल । मांम्हसें थः योगिनी जुइमागु खँ च्वनिसें क्वेथ्यंक पूर्वक कना हल । थुलि खँ छु जुल, काय्म्हस्या होश वल । मांम्हस्या नं होश वल ।

निम्हं थःथःगु खँ थुइवं मांम्ह आत्मखलानि जुया देह त्याग-याता वन ।

काय्म्ह विरूपाक्ष नं थःम्हं महापाप-याये धुन । आ व पाप गथे याता न्हंके धैगु विचाः याता शिव-आराधना, तपस्यायात । महादेवं नं अनेक कठिनगु असम्भवगु परीक्षा याये धुंकुगुलि विरूपाक्ष व परीक्षा पूर्ण यायेगु शक्ति मदया महादेवयाके हाकनं पर्ववन । लिपा महादेवं नं ग्वारग्वारां दाय्का त्वंसा छंगु पाप फुइ धया हल । महादेवं धया हथे नं दाय्का तकं त्वनेगु कुतः याता च्वंगु बखते भगवान बुद्धं ध्यानं खना बिज्यात भगवान आ मखुथि जुइन विघ्न जुइन धैगु सिया नं दाय्का च्वंगु थासे वना दना च्वन । अले खँ नं न्यना बिज्यात । विरूपाक्षं नं असत्य खँ मल्हासे थःत जुगु फुक्क खँ कना बिल । लिपा स्वस्व खंकं मृत्युया नसा धैगु खँ भगवान पाखे सीवं वया मने तँ पिज्वल । अयसां भगवान बुद्धया न्होने वं थःगु अहंकार प्रकट मया । लिपा भगवान प्रस्थान जुया वनेवं वं तं फिइ मफुत । अले देशे दको लिंगेश्वरत नाश मयासें तोते मखु धैगु विचालं वं लिंगेश्वर धाको बाश या वन । दको लिंगेश्वर ध्वंस यायां वना च्वन, दकले लिपा पशुपति लिंगेश्वरयात नं ध्वंस याय् धका वना च्वंगु उखते भगवान ध्यानं सीका रश्मिं तोपुया बिल । विरूपाक्ष इतःमितः कन । वया भिखाय् शान्त मूर्तिम्ह भगवान मुसुमुसु न्हिला दना च्वंगु खन । लिपा न्हालं चाम्ह थें जुया होशे वल । थव ला भगवानं जितः होशे हय्त धका सना बिज्याना च्वन । अहंकार त्वपुया बिहोश जुया च्वनाम्ह जि मखुगु कर्तव्य याता जुयागुलि बुद्ध जितः उद्धार याय्त बिज्यात । थपाय्धम्ह ईश्वर-यात जि गथे प्येकेगु धका होशे वया लज्जा व भयं छुचों कुडुवा भगवानया चरणे भोपुया क्षमा पवन । लिपा व सिद्ध जुया वन ।

अथे हे ईडिइपसया बाखं नं । ग्रीक देशे बिज धैगु राजधानी इडिइपसं राजकुले जन्म कागु जुल । मां जोकास्टा व अबु लेयस । मां बी निम्हं भविष्य खना ग्याना थः स्वला दुम्ह मचाया तुती निपां प्यपुंक चिना जंगले धुं भालु नय्मा धका वांछोके छोट । तर मचाया भाग्यं व वांछो-

वम्ह मनूया दया वना थः पासा छम्हसित लः लहाना थकख । व मचा काम्ह मनून बैत कोरिथया जुजुया लहाती लः लहाना बिल । कोरिथया जुजुया नं काय्मचा मदुम्ह जुया लेलेता । मचायात 'ईडिइपस' नां छुना कर्म खंका बिल । लिपा तधिक जुसेलि मागु शिक्षा-दीक्षा बिया नं तल । छम्ह रोजदरवारे लसता भवे न्याय्का च्वंगु बखते छम्ह अयला त्वना तःम्ह मनुख 'ईडिइपस' जुजुया काय् मखु, लुइका हःम्ह धैगु अपमानसूचक शब्द धागु ताया वया मन विरक्त जुल । अले वहे अपमानं याता व सुयात छु मधासे सरासर दें तोता पिहां वन ।

लिपा थःगु जन्मभूमि गन जुइ, मां-बौ सु ज्वी धैगु चिन्तां अस्त जुया फाटाफाटा पुम्ह न्याथें जुल । उकि मां-बौयात म्हासीके साला आराध्य देव अपोलो (Apolo) याथाय् प्रार्थना या वन । अबयाम्ह पुजारीयाके थः मां-अबुपिति बारे न्यंगु बखते पुजारीं धया हल-ए ! अलच्छिनाम्ह, छं थः अबुया बारे खँ न्यने मते, जि धाय् छंगु लहाती छं अबुया हत्या जुइ, अले छं मांनाप इहि याइ । अले छंगुपाखें अभिशापअस्तवि मस्त बुइ, गुमिसं छंगु कुल नाश जुइ ।

थुलि खँ न्यना व त्राहीमाण जुल । अले कोरिथं लिहां वनेगु तकं विचामदया वन । भविष्यं हयाचो बिल । अब वने, थन वने मसिया थःगु तालं वना च्वंगु बखते डेल्फी धैगु पाकुइ (घाटी) स्वका लँ चूला थाय् धयन । वहे लँपुं थीबिज्या जुजु लेयस रथे च्वना चाह्यु वोगु । रथे न्हो-न्हो सले च्वना वःम्ह सवारं लँ चीकु चीकुं वया च्वंगु । सवारं थः न्हयो-न्हयो छम्ह मनू अटेश याता वना च्वंगु खबा तँ म्वय्का हुक्का वःविया हल । ईडिइपसं वयात मुक्का नका बेहोश याता बिल । थव खनेव जुजुया नं तँ पिहां वल । वं नं वःबिल । ईडिइपसयात छोमिइ ध्यो लुइथें जुल । अले यांकया जुजुया कथि लाकाकथं नक्का बिल । जुजु ठहरी सित । सवारया होश वय्वं सीम्ह जुजुयात रथे तया बेतोरं राजधानीपाखे व्वात । अन थ्यनेव जुजुयात खँतसें स्याना बिल धैगु तोहे चिन ।

जुजु मदुसेलि क्रिमोव धैम्हं राज्य चले

यात । उगु बखते व थीबिज राज्ये छम्ह जन्तुया प्रभावं दुर्भिक्षा जुया हाहाकार जुया च्वन । उम्ह जन्तुया म्ह सिहयार्थे, गिद्धयार्थे पपू दुम्ह, अले ख्वापाः मिसाम्ह । वं छगू न्हयसः न्यनीगु लिसः बीमफुपि मनूत स्याना नैगु जुया च्वन । थ्वहे जन्तुं याना देशे मनूत भयं ग्याना हाहाकार जुगु । उकि जुजु क्रिओनं व जन्तु (स्फिक्स) यात भोचके (स्याये) फुम्हसित राज्य लः ल्हाना विधवा रानी-नाप इहि याना बीगु धैगु नार्याखि च्वेकल । संयोगं ईडिइपस वहे राज्ये थ्यंकः वल । वं जुजुया घोषणा ताल । वया थःगु न्हापाया खँ त्वम्हने धुकल । वं व ज्या यायगु इच्छां जुजुया न्ह्योने खबर छोट । जुजुं आज्ञा जुइवं वयात सिपाही-तसें यंका व जंगले बाँछोय यंकल, गन स्फिक्स धैम्ह दुगु थाय् खः । अले इपि बिस्सुं वन, ईडिइपस याकचा त्वता ।

ईडिइपसं व जंगले याकचा दुहां वना स्फिक्स (जन्तु) दुगु थाय् थ्यंकः वन । मग्यासे न्ह्योने वया वंके धाल—‘छंगु न्हयसः कं । थुगु खँ न्यना व जन्तुं वय् थें छकः स्वल, अले धया यंकल ‘अजाम्ह प्राणी सुदु ? गुम्हसे थःगु तुती थातं मतम्ह । गथे कि सुय प्यपां चुइ, न्हिने तिपां अले बहनी स्वपां । दकले म्होगु (कमगु) तुति चुइबले व धिसि लाइ ।’

थजागु खँ न्यना ईडिइपस भचा फिसिक्क न्हिल, अले मग्यासे लिसः बिल कि थ्वया अर्थ मनूत खः । मचा बले प्यपां, त्याय्म्ह (तःधी) जुइव निपां चुइ, बःलाई, शक्तिहीन जीव वूडा जुया तुतां बापं स्वपां चुइ ।

थजागु लिसः न्यनेवं हे व जन्तुं थःगु पपू भाराभारां संका हयाकथं वेपत्ता जुइक बब्या वन ।

व जन्तु मदुमेलि थीबिज राज्ये हानं सुभिक्ष जुया बल । अकालं मृत्युया भय मदया प्रजात सुखी । क्रिओणया घोषणाकथं ईडिइपसयात राज्य लःल्हाना कथं विधवा रानी इहि याना बिल । ईडिइपसं बांलाक न्याय-निसाफ यावा राज्य चले याना च्वन । देशे दकोभन शान्ति, सुख अले सुभिक्ष । थः कला जोकास्टानाप तस्सक माया प्रीति दु, यद्यपि कला थकालीसां इमि दाम्पत्य जीवब सुखं हना च्वन । लिइ इमि निजो

(जुम्त्याहा) मचा बुल । काय् चिम्ह, म्हचाय् निम्ह । कथहनं गुबले मचात तःधी जुजुं वल, देशया भाग्ये नं प्रकृतिया कोप परे जुल । राज्ये हाकनं दुर्भिक्ष, महामारी थिया-वल । मनूत खिचा सीर्थे सिनां वना च्वन । हाहाकार । देववाणी जुल कि थ्व फुकया हेतु लेयसयात हत्यो याम्हंयाना जुगु धैगु खः ।

उकि प्रजात सकले मुना जुजुया न्ह्योने वना गुहाली फवं वन । जुजुं नं तःताजि प्रकारं हयेका प्रजापिनि मने सान्धवना तया बिल । बाक्को भरोसा बिया लित छोया बिल । उलि याये धुनेवं देशे नां जाम्ह ज्योतिष ‘टाइरसीज’ यात सःता थुकिया हेतु खँ न्यबले ज्योतिषं छुं मध्यासे सुंक च्वं च्वन । जुजुं हाकनं न्यसेलि वं धाल “महाराज ! थुगु हेतुया खँ न्यने मत्य । थुकी छपिनिगु हित जुइ । यद्यपि न्यना हे दिल धासां कष्ट सहयाय फे मखु ।”

जुजुं नं धाल—“थःगु कष्ट मखु, प्रजाया हितया लागि जिगु कष्ट छुं मखु । प्रजाया कष्ट जिगु कष्ट, इमित दुःख जुगु जि गथे स्वया च्वने ! बरु राज्य त्याग याय् । व हत्यारा सु खः ?”

ज्योजिषं अनेक तरहं उपमा बिया जुजुयात हचेकल नं मजिया सुमुक्क च्वं च्वन । लिपा जुजु लागिमिगि चाया वेंत हे हत्यारा पाल्याना बिल । वया नं तं पिही वया धया यंकल— “महाराज ! न्यने मत्य धया माने जुया बिमज्या आ जतिक कने मासें धा हे धाय्-डेल्फी पाकुइ स्वकालं दुथाय् छपिसं लेयसयात दाया स्याना व्यगु दु । हत्यारा जि मखु, स्वयं छपि खः ।”

जुजु न्हयलं चाम्ह थें भसंग वन । छता-छता दत्तले न्हापाया फुक खँ लुमचा वल । चिन्तां ग्रस्त जुया च्वबले जोकास्टां थः न्हापायाम्ह मिजं (भात) या बारें फुक खँ कन । मन तया बीत स्वल । अले थः मचा बुइसाथं स्याके छोयागु खँ नं न्हयथना बिल । ईडिइपसयात पत्याः योकेत न्हापा मचा बाँछो वम्ह मनू सःतके छोट । ज्योतिषं मखुगु खँ ल्हात जुई । लेयसया मृत्यु ला खँ-डाकुतय्गु ल्हातं जूगु धका नं धया बिल । धाय् ला जोकास्टां थुलि धाल अयूनं मने शंकां थाय् मत्वःतु । लिपा मचा बाँछोवम्ह मनू वसेलि रानी जोकास्टां वंके न्हापाया खँ न्यन ।

[क्रमागत]

विशुद्धि मार्ग

अनुवादक—भिक्षु बुद्धधोष, सुमंगल बिहार

[द्विक]

छगू प्रकारया भाग जुया च्वंगु शीलया अर्थ च्वे कना वनागु अनुसारं सीकेमा । निगू प्रकारं भाग जुया च्वंगु शीले भगवान् बुद्धं 'शुक्रियात पालन यायमा' प्रज्ञप्ति याना बिज्यागु शिक्षापद पालन यायगुयात चारित्र शील धका धाइ । शुक्रियात याय मज्जू धका निषेध याबा तःगुयात मयास्य च्वनीगु शीलयात चारित्र शील धका धाइ । उकिया अर्थ थथे खः—व शील आचरण याये माःगु जुया निति चारित्र शील धका धाइ । निषेध याबा तःगु ज्यायात उल्लङ्घन मयास्य संयमी जुया च्वनी उकिं उकियात चारित्र शील धका धाइ । उपि निगू शील मध्ये चारित्रशीलयात श्रद्धा व वीर्यं द्वारा पूर्ण याइ । चारित्र शीलयात श्रद्धां पूर्ण याइ । शुक्रथं चारित्र शील चारित्र शील कथं निगू प्रकारं दया च्वन ।

द्वितीय द्विक जुया च्वंगु निगू प्रकारयागु शीले अभिसमाचारया अर्थ खः उत्तम आचरण । उत्तम आचरण यात हे अभिसमाचारिक धका धाइ । अथवा विशेष उत्तम जुया च्वंगु भागफल शीलयागु उद्देश्य याबा उगु मार्ग फल जुया च्वंगु

व मनुखं नं मचा कोरिथे च्वंम्ह पासायात लः लहाबा व्युसानिसेया फुवक खं कना बिल । जोकास्टां वंगु खं न्यने मात्र ईडिइपस स्वयं थः पुत्र खः, गुम्हसित भात बाला च्वंगु खः धंगु खं सिइव लज्यां व पापग्रस्त जुया थःगु कोथाय् ववा यगाना सिबा वन । ईडिइपस नं वंगु मृत देहस भोसुना खबखवं जोकास्टां चिना तःगु पेटिया पवः नं थःगु मिखाय् निपाय्सं सुया ल्हंयां काल । उलि याय् धुंका अबु लेयसयात दागु कथि तुतां याना व राज्य हे त्याग याबा पिह्नां वव । कालान्तरे बया साखा सन्तानत न पापग्रस्त जुया हासनास जुया फुवा वंगु जुल ।

शीलया निति प्रज्ञप्ति याना तःगु शीलयात अभिसमाचारिक शील धका धाइ । आजीवअष्टमक शीलयात छोता बाकि शीलया नां खः । आदि ब्रह्मचरियक शीलया अर्थ खः मार्गं धयागु उत्तम आचरणया आदि (प्रथम न्हापां) जूगु कारणं आदि ब्रह्मचरियक शील धका धाइ व आदि ब्रह्मचरियक शील धयागुया नां आजीव सहित च्यागुगु आजीव—अष्टमक शीलयात हे धाःगु जुल । व आजीव—अष्टमक शील मार्गया पूर्व भागे परिशुद्ध जुइगु जुया मार्गया पूर्व भागे परिशुद्ध जुइगु जुया मार्गया प्रारम्भिक अवस्था जुया च्वन उकिं धयातःगु न्हापां हे उम्ह भिक्षुया कार्यं कर्म वचीकर्म तथा आजीव (जीविका हनेगु) परिशुद्ध जुया च्वनी धका भगवान् धया विज्यागु जुल ।

हानं मेकथं, गुगु शिक्षापदयात क्षुद्रानुक्षुद्रक (खुदानुखुदक) धका भगवान् बुद्धं धया बिज्यात । उगु शिक्षापदयात अभिचारिक शील धका धाइ । शेष बाकि शिक्षापदयात आदि ब्रह्मचरियक शील धका धाइ ।

हानं मेकथं उभतो विभज्जे अन्तर्गतं जुया च्वंगु शील शिक्षापदयात आदि ब्रह्मचरियक शील धका धाइ । स्कन्ध वर्गे अन्तर्गतं जुया च्वंगु [१७ पेजे]

थूगु बाख् सोफोक्लीज धंम्ह च्वया तःगु 'किंग ईडिइपस' धंगु या संक्षिप्त रूपं भाय् हीका ल्हययागु जुल । अथे हे विरूपाक्षया बाख् नं थःम्ह न्यबार्थे च्वयागु खः । जिं थ्व बाख् ल्हययागुया धाःपू थ्वहे खः कर्म च्वया तःगु मजुइ मखु । खः जा कर्मया मतलव ज्या खः । कर्मय् मदु, भाग्ये हे मदु धका कर्मयात दोष बिया ज्या खं जुया च्वंसां जीवन अश्वकारमय जुइ । उकिं कर्म दयकेत ज्या याबा वयनेमा । थूगु बाखने थजागु खंया अतलव मदु । मुख्य खं थ्व हे दुः कर्म च्वया तःगु मजुसें तोती मखु । चाय्क मखु मचाय्क, मचाय्क जुया वयां च्वंगु नं दु ।

चतुरार्य सत्य व

दुःख आर्यसत्य

१. जन्म जुइमागु दुःख
२. बुढो बुढी जुइमागु दुःख
३. रोगं कय का चवनेमागु दुःख
४. सिनावनेमागु दुःख
५. मयोपिनाप व्हना चवने मागु दुःख
६. योपिनाप बाया चवनेमागु दुःख
७. इच्छा यानार्थे पुरेसजुइगु दुःख
८. संक्षिप्त पञ्चउपादाब स्कन्धहे दुःख

दुःख समुदय आर्यसत्य

१. काम तृष्णा
२. भव तृष्णा
३. विषय तृष्णा

सम्यक दृष्टि

चतुरार्यसत्ययात
यथार्थरूपं बालाक
ख केगु

सम्यक सङ्कल्प

१. नैऋत्य सङ्कल्प
२. अव्यापाद सङ्कल्प
३. अविहिंसा सङ्कल्प

सम्यक वचन

१. भूठ खं मल्हायगु
२. चुगिल खं मल्हायगु
३. छोक खं मल्हायगु
४. व्यर्थ खं मल्हायगु

कायानुपस्सना

१. आना पाव सति
२. इरियापथ
३. सम्प्रजन्म
४. प्रतिकुल मनसिकार
५. धातु मनसिकार
६. सिवत्थिक

वेदनानुपस्सना

१. सामिस सुखवेदना-निरामिस सुखवेदना
२. सामिस दुखवेदना-निरामिस दुखवेदना
३. सामिस उपेक्खावेदना-निरामिस उपेक्खावेदना

चित्तानुपस्सना

१. सरागचित्त
२. वीतराग चित्त
३. सदोसचित्त
४. वीतदोस चित्त
५. समोह चित्त
६. वीतमोह चित्त
७. संखित्त चित्त
८. विखित्त चित्त
९. महगत चित्त
१०. अमहगत चित्त
११. सउत्तर चित्त
१२. अनुत्तर चित्त
१३. समाहित चित्त
१४. असमाहित चित्त
१५. विमुत्त चित्त
१६. अविमुत्त चित्त

सत्तत्तिंस

सत्तिपट्ठान प्यंगू

१. कायानुपस्सना
२. वेदनानुपस्सना
३. चित्तानुपस्सना
४. धम्मनानुपस्सना

सम्पपधान प्यंगू

१. उपपन्नं पापकानं धम्मानं ।
पद्धानाय वायामो ।
२. अनुपपन्नं पापकानं धम्मानं ।
अनुपपादाय वायामो ।
३. अनुपपन्नं कुसलानं धम्मानं ।
उपपादाय वायामो ।
४. उपपन्नं कुसलानं धम्मानं ।
भिय्योभावाय वायामो ।

इद्धिपाद प्यंगू

१. छन्द इद्धिपाद
२. वीरिय इद्धिपाद
३. चित्त इद्धिपाद
४. वीमस इद्धिपाद

इन्द्रिय न्यागू

१. सद्धिन्द्रिय
२. वीरियिन्द्रिय
३. सतिन्द्रिय
४. समाधिन्द्रिय
५. पञ्चिन्द्रिय

सप्तत्रिंश बोधिपाक्षीय धर्म

दुःख निरोध आर्यसत्य

दुःख निरोधरापिनीप्रतिपदा आर्यसत्य

१. सउपादिशेष निर्वाण
२. अनुपादिशेष निर्वाण

सम्यक कर्मान्त

सम्यक आजीव

सम्यक व्यायाम

सम्यक स्मृति

सम्यक समाधि

१. प्राणी हिंसा वयायगु
२. पर वस्तु मखवीगु
३. व्यभिचार मयायगु

१. शस्त्र ममीगु
२. प्राणी ममीगु
३. मद्य ममीगु
४. मंस ममीगु
५. बीष ममीगु

१. उत्पन्न भज्जनिगु पापयात उत्पन्नहे-
मयायगु निति कोशिस यायगु ।
२. उत्पन्न जुइ धु कुगु पापयात मदयकाव्हेगुनिति०
३. उत्पन्न भज्जनिगु कुशलयात उत्पन्नयायगुनिति०
४. उत्पन्न जुइ धु कुगु कुशलयात भनबढेयायगुनिति०

१. प्रथम ध्यान
२. द्वितीय ध्यान
३. तृतीय ध्यान
४. चतुर्थ ध्यान

धम्मनूपस्सवा

पञ्चनीवरण

पञ्च उपादानस्कन्ध

६ अज्झत्तिकबाहिरआयतन

सप्तबोध्यङ्ग

चतुरार्यसत्य

१. कामच्छन्दनीवरण
२. व्यापाद नीवरण
३. थीनभिद्धनीवरण
४. उद्धच्च कुकुच्च०
५. विचिकिच्छा०

१. रूपउपादानस्कन्ध
२. वेदनाउपादानस्कन्ध
३. संज्ञाउपादानस्कन्ध
४. संस्कार उपादानस्कन्ध
५. विज्ञानउपादानस्कन्ध

१. भवखु आयतन-रूपआयतन
२. सोतआयतन-सद्आयतन
३. घाणआयतन-गन्धआयतन
४. जिह्वाआयतन रसआयतन
५. कायआयतन फोटुब्बआयतन
६. मनआयतन-धम्मआयतन

१. स्मृतिसम्बोध्यङ्ग
२. धर्मविचयसम्बोध्यङ्ग
३. वीर्य सम्बोध्यङ्ग
४. प्रीति सम्बोध्यङ्ग
५. प्रश्रब्धि सम्बोध्यङ्ग
६. समाधि सम्बोध्यङ्ग
७. उपेक्षा सम्बोध्यङ्ग

१. दुःखसत्य
२. दुःखसमुदयसत्य
३. दुःखनिरोधसत्य
४. दुःखनिरोधगा-
मिनीप्रतिपदा
आर्य सत्य

बोधिपक्खिय धम्म

बल न्यागु

बोज्झङ्ग न्हेगु

मार्ग च्यागु

१. सद्धा बल
२. वीरिय बल
३. सति बल
४. समाधि बल
५. पञ्जा बल

१. सति सम्बोज्झङ्ग
२. धम्मविचय सम्बोज्झङ्ग
३. वीरिय सम्बोज्झङ्ग
४. पीति सम्बोज्झङ्ग
५. पस्सद्धि सम्बोज्झङ्ग
६. समाधि सम्बोज्झङ्ग
७. उपेक्खा सम्बोज्झङ्ग

१. सम्मादिद्वि
२. सम्मासङ्कप्प
३. सम्मावाचा
४. सम्माकम्मन्त
५. सम्माआजीव
६. सम्मावायाम
७. सम्मासति
८. सम्मासमाधि

संकलन कर्ता:—

धर्मरत्न शाक्य

(त्रिशुली)

प्रधान सम्पादकयात पौ

लाल निवास भद्रपुर-५ (भापा)

मेची अञ्चल, नेपाल,

महोदय,

‘धर्मोदय’ पिहाँ वईगु दु धका जक न्यन्नागु । पत्रिका सखनानिगु । उखुन्हु छुं ज्या नेपा वनाबले ये छथाय् हासाय् तथा सफू पत्र-पत्रिका मिया तथाय् जिगु सिखायात ‘धर्मोदय’ नं साल ।

व पत्रिकाय् दै १ ल्या २,३,४ धका चवया तगु खनी । पुलांगु धर्मोदय थन मिया तल धका, मेगु छुं मसोसे स्वबोह पुला न्याना हया ।

श्री प्रेम दाइ (प्रेम बहादुर कंसाकार) या छे उखुन्हु चासापासाया बैठक सतो तयागु । थी पुलांगु धर्मोदय छगू न्याना हया धका वेकयात क्यना । थव ला न्हगु पिहाँ वगु धया दिल । जि आश्चर्यचकित जुल । दै १ ल्या २,३,४ गथे न्हगु जुई ? लिपा वेकलं बुद्ध सम्बत् २५२१ नेपाल सम्बत् १०९८ छापे याना तगु व दुनेपाखे मार्ग, पौष, माघ २०३४, नभेम्बर, दिसम्बर ७७ व जनवरी ७८ चवया तगु (छापे याना तगु) क्यना दिल ।

वेकलं हे जित धया ‘धर्मोदय’ आ न्हूकथं कालिम्पोंग पिहाँ वया च्वन ।

नेपाल भाषा साहित्य ख्यलं जि गुलि तापात धैगु खँ थत थम्हं धवा थुइका । च्वसापासार्थे जागु नेपाल भाषासाहित्यया छगू संस्थाया वाय (अध्यक्ष) जुया च्वनानं नेपाल भाषां छु छु सफू पिहाँ वल, छु छु पत्रपत्रिका पिहाँ वल मसोगु जिगु लागि तस्सकं मछालेपुसे च्वंगु खँ भापिया । जि न्हचलं चाम्हर्थे जुल । भसंग वन । ‘धर्मोदय’ न जि न्हचो वेका च्वनाम्हसित थना विल ।

नेपालं म्हिग जि थन वया । ‘धर्मोदय’ या वर्ष १ अंक १ दै १ ल्या २, ३ व ४ जिगु न्हयोने दु, छित थव पौ चवया च्वना ।

ताकाल तक अन्त जुया हानं उदय जूगु थव ‘धर्मोदय’ सदां उदय जुया च्वनेमा । धर्मोदयया किरणं भीगु मां भाय्, बौद्ध धर्मयात खया दिगदिगन्त तक व्याप्त जुईमा । थव हे जिगु भित्तुना ।

छिम्ह

स्वयम्भुलाल श्रेष्ठ

मचाखाचा स्तम्भ

ताशया छगू खँ

—सुजीव कुमार शाक्य, कालिम्पोंग ।

न्हू दै, स्वन्ति नखः अले थव विश्वे भीगु जातिइ जक दुगु छगू महान संस्कृति—म्ह पूजा । हानं भी, सकसिनं स्यू थव म्ह—पूजा याय् धुनेवं भी जू म्हिताः न्हूगु दैया भाग्य-परिक्षा याय्गु धैगु चलन । थव गुलित बाँला-बाँमला, योग्य जू मजू थव ला छुं मस्यु तर भीथाय् आपाः याना थुथाय् जू-कासा मध्ये नं ताश हे म्हितेगु चलन खने दु । भीगु जातिया दथ्वी भीथाय् थव ताश-यागु चलन गबलें नसे बल मस्यु, न्ह्याम्हसिनं नं न्हापां नसे दु धाइ । थव ताश तःधि, चीधि मचा-सिसा, शिक्षित-अशिक्षित, तःमि-चीमि प्रायः न्ह्याम्हसिनं नं म्हितेगु याः, म्हितेफु, म्हिते नं अःपुक सयक् । थुकिया कारण मध्ये छगूला थव ताश धइगु अःपुक प्राप्त याय्फु, ध्येवानं आपाः मत्त, थाय् नं म्हंवाय्क निम्ह प्यम्ह खुम्ह न्ह्याक्को नं म्हिते ज्युगुलि नं जुइफु । थव ताशया अर्थया रूपे अने तनेगु यक्को खँ धइतःगु दु । उकी मध्ये जितः यइतु ताःगु छगू खँ थथे—

ताश न्ये निपाः (५२) दुगु दछिया ५२ वाः (हप्ता) दुगुया चि खः । छफुति नसे भिस्वफुति तक प्यथीया जम्मा ल्याः (योग संख्या) ३६५ जुइ; उकिइ जोकर छपाः तने बले दछिया दि (Leap Year) दइबले जुइगु ३६६ दि याय्त खः । (दछः चकि जुक्क भिनिंला घासां जिल) । छफुति ससे भिस्वफुतिया प्यथी दुगु दछिया मूल प्यंगू ऋतु खः । ह्याउं व हाकु बिथी तारला व चिकुला नं धाः शुल्क व कृष्ण पक्ष नं धाः । थुकथं थव ताश दैयागु कासा (खेल) खः । दै रूपी थव ताश म्हितुं-म्हितुं हे गबलें हर्ष प्रफुल्लता, गबलें दुःख-शोकया त्या-बू अनुभव याकाः जीवव-ई फुना च्वंगु भीसं मचाया च्वनीगु खँ थुकि कवा च्ववि ॥

महाप्रज्ञा लुमनाः

—‘ज्योति’ शास्त्र, कालिम्पोंग

थःगु असामान्य व्यक्तित्व व चरित्रं थःगु हे जाति व समाजे म्हुयां वचिमखुगु छाप तया वनीपिं मनूत अल्याख दइमखु । बौद्ध ऋषि बहा-प्रज्ञाजू हनाः क्यनाः वंगु जीवन्त्या विशिष्टता नं सकसिके उक्ति रूपं दयथाकु । वस्पोलया विभिन्न ज्या-खं प्रभावित जूपिं मनूत भीगु जातिइ वा समाजे आपालं दइ धयां अप्पो खं जुइमखु ।

जि खूब बालाक लुमनि मचाबले जिं न्हापां छम्ह भिक्षु रूपे खनागु । सायद जि उथाय् न्हेई-च्यादैति जक दत जुइमाः । जिमि बाया थव कालिम्पोगे लुंकांमि ज्यासले बरोबर बिज्याना बालिस्य खँल्हा बल्हा यावा च्वनिगु । थौं तक अजुगति चाःनि उथाय् जिमि मां-बापिस वस्पोलयात ‘गुरु बाज्या’ धका सम्बोधन याकाः नमस्कार यायेगु स्यना तःगु । वस्पोलयागु सुचुस्य-पिचुस्य च्वंगु कपाः, न्हाब्ले मुसुमुसु काःगु ख्वाः, नापं खं ल्हा-ल्हां बिचे बिचे सकसित बरोबर न्हिइका नं च्वनीगुलि जिपिं जहान भवलिं धइथें वस्पोल प्रति आकर्षित जुया ई वंगु हे मचाय्क मुनाः खं न्यवा च्वनेगु । जिपिं मचापिन्तः नं खूब मतिवा यावा ख्याःयावा खं ल्हाइगु । उथाय् जिगु मचाबुद्धिं छु स्यू कि वस्पोल राणा शासनं नेपालं पितिना ह्यका त्यागी रूपे विभिन्न देश-विदेश चाहिला बिज्याय् धुंकुम्ह विविध अनुभव दुम्ह छम्ह भिक्षु धका । अबले निसें वस्पोल लिस्य स्वापू दया च्वंगु अन्ते वस्पोल नेपाले स्थायी रूपं च्वंसेलि तिनि तापात ।

थव हे वंगु ने० सं० १०६६ चित्लागा नवमी खुनु वस्पोल परलोक जूग दुखद समाचार न्यनाः थःत मचावसें बौद्धधर्मया शिक्षा बिया तःम्ह गुरुया स्मृतिइ श्रद्धामय आदरं जिगु छयं ववछुत । अले छु मानि लुमन्ति पौ फरंर पुला वना लुमस्य वल-मचाबले वस्पोलं बुद्ध वन्दना यायगु व्वनेगु स्मृतीदि पाठ यायगु प्रेरणा व्युगु, हानं विशेष यावा सधर्म थुइके-सीकेगु निमित्तं जिज्ञासा थकया बीगु । मंगल सूत्र कंठस्थ यावा न्यंकाबले वस्पोलं साधुवाद व्युगुला गबले लोमवि मखु । दकले धर्म-सम्बन्धि छलफल यावा प्रश्न यावा यंकेगु वस्पोलया तसकं

जीवन परिचय

—अनागारिका संघरक्षिता

मनया दूढ बन्धन देह

जन्म जन्म पतिकं जूला ?

संगम खः वा मन तनया

जीवन मेला थव हे मखाः ?

बुइकल मामं यंकइ कालं ।

सुख हीकल दुख खवेकल

वइगु सीगु न्हिलेगु खवेगु

जीवन मेला थव हे मखाः ?

नाःगु व तोतुगु जित पर

मच्चं स्थिरं रतिभर चित्त,

जुइगु शान्ति गबले भ्रान्ति

जीवन मेला थव हे मखाः ?

ममताया क्षेत्रे देह-गृहे

चेतवतां राज्य यातले

जीवन रथ न्हाके जगते

जीवन मेला थव हे मखाः ?

चा इ न्हि जगया न्हि कालं

प्रतिपल प्राणीया संहार

आयु पबीवं छुवइगु शरीर

जीवन मेला थव हे मखाः ?

[पाटन]

यः । न्यनागु न्हयसःया लिसः महाप्रज्ञाजू थःगु यइपुगु पहलं भति हे दिक्क मचास्य कना यंकीबले भन् भन् हे न्यंमिसिया जिज्ञासा नापं उत्साह नं थहाँ वइगु । छको निको समयोचित न्हयसः लिसः याना त्याके-बुकेया भावं खं न्यनीपिन्तः न्वाइगु नं लुमं । छको जिपिं ल्याय्मचा-ल्याय्मचापिं प्यम्ह न्याम्ह मुनाः अहिंसा विषय वस्पोललिस्य खँल्हा-बल्हा जुया च्वंबले छम्ह पासां विरोधे धाल, ‘छम्ह प्राणीया निति मेम्ह प्राणी आहार जुया च्वंगु थव प्राकृतिक नियम खः । भी पुर्खा पिसं प्राणीपनि ला नया जीवन निर्वाह यावा मवःगु जूसा भीपिं थौं थव रूपे देला सदैला, छायाधाःसा उथाय् मेगु बयेगु सःगु हे मखु ।’ लिसले गुरुबाज्यां धया बिज्यात, ‘अथेसा छिसं हिसां व सांसाहार छगू जक छाया प्राकृतिक नियम जववागु, मेगु फुक नं अथे हे याय् बाःगुले !’ व पासां धाल, ‘मेगु छु बयावा, फुक

अथे हे जुया च्वंगुला खःबि !' महाप्रज्ञाजू धया बिज्यात, 'मखु, छिस' आम म्हय वसः पुना तयागु प्राकृतिक नियमला ? सँ चाना, बाल तयेगु, लुसि ध्यनेगु प्राकृतिक नियम लाकि थःगु बुद्धि विवेक चाला वःलिस्य याय् सःगु ? वःन्हिं मत च्याकाः च्वनेगु प्राकृतिक नियम मुताविक जुयागुला ?' पासाया ला लिसः तनां हे वन, छगू साधारण खँ जूसां जिपिं सचा ल्याय्मचाते मने खूब छाप च्वन ।

थःगु मां-भाषं च्वने च्वये माःगु नं वस्पोलं जिमित, न्हापां तसें न्वाना च्वं । मां भाय्प्रति वस्पोलया भावना गुलि क्वातु वइगु खँ तःदँ लिपा पिहाँ वःगु वस्पोलया छगू लेखे थुकथं अभिव्यक्त याचा बिज्यागुलिं सीदु—' जितः लुमं, बांलाक हे लुमं, मसी तलें ल्वमनी मखुगु कथं लुमं, अभ जिगु हिया सन्तान दतले थ्व ल्वमके नं मज्यू थें च्वंक लुमं, छन्हु थ्व जिगु मां भाय् ल्हाके हे मखु थ्व जिगु मां भाषं च्वके हे मखु धका धाःगु दु, थ्व बिषेधाज्ञा पालन याकेगुलिइ बल व सत्ताया प्रयोग याःगु दु ।' धाय्तला भीसं भीगु मां भाय्या छगः थां माने याना वया च्वनाम्ह कविवर सिद्धिदासं भीगु साहित्यया काव्य जगते 'न्हछलाः' हाःगु न्यना दना वःपिं मध्ये छम्ह महाप्रज्ञा नं खः धाइ । अकिं नं खइ बौद्ध धर्म सम्बन्धि छन्दोबद्ध कविता थःगु भाषं च्वया जिमित वस्पोलं व्वकेगु याना च्वनीगु । जिमिके थौं तक्कं थुखेर च्वना नं मां भाय्या मतिना मतंगु कारण छगू थ्व नं खः । थःम च्वयागु आः कविता तालवद्ध रुपं ल्हा संका लय तथा न्यकीगु आः तक न्हाय्पने थ्वःगु थें च्वनि । तःदँ मछि लिपाः नेपाले च्वसा पासां वस्पोलयात 'साहित्य सुता' उपाधि व्यूगु न्यनाः वः थःगु याय् थकाय् माः, अथे याय्माः अथे याय्माः धका बैठक गफ जक मुइका मखु वस्पोलं थें तन मन धनद्वारा क्रियान्वित याना वयंगु ज्यायागु जक सार दु धका । अले कवि सिद्धिचरणजू 'भाषाया खयलय ज्या याइपिन्तः त्वाः, गां, समाज, देश व विश्व थः नाली' धाःगु गुलि यथार्थ जू धइथें थौं कन्हे मती लू । च्वय् धयार्थे अथे हे दको महाप्रज्ञाजू मनया बारे कविता न्यकाः खँ कना च्वंगु—

'मबया योसा खालु नं चाकु, बयोगु जसा बिनी नं फाकु'
न्यनेव जिपिं फुकु हररं न्हिला बले वस्पोलं

थ्व न्हिलेगु खँ मखु वास्तविकता थुइके माःगु खः धाधां न्वानाः हानं पदच पंक्ति पूर्वक व्वंगु—

थ्व मल चीये अतिकं थाकु,

स्युसा मन जा अतिकं हाकु'

उथाय् जिमिगु चंचल मनं वस्पोलया गम्भीर भावया सूर्यांकन गन याय् फइगु धका । थौं थः थमं चाया वः वस्पोलया जिमित सारगु खँ धवा थुइका बीगु गुलि सहान सदभाव पूर्ण इच्छा । जिमिसं उबले व कवितात ल्हाया कया कंठस्थ याय्गु नं याचा । गबले गबले गजबगु तरीकां नं वस्पोलं धायेगु याः । छुको ज्यासले ज्या याना च्वम्ह तधीम्ह दाइ नं खंय् खंय् ध्यान गथे याय्गु धइगु खँ भट्ट न्यंबले वस्पोलं धाल, 'आम कतां किया च्वनागुलिइ जक थःगु मन तथा मेगु विचार मत्वीकुस्य आमकी जक एकचित्त याना मन तथा च्वं रे, व हे का ध्यान ।' लिसः न्यना सकले गजब चाल । गन थः धाःसा गुफा-जंगल वना ध्यान यानागु धाइ गन आः धाःसा गथे ध्यान याय्गु हँ, तर सुनानं छुं प्रतिवाद मयाः, अथे नतु । लिपालिपा बौद्ध धर्म विषयनाया अर्थ थूबलेतिनि वस्पोलयागु उबलेया खँ थूथें च्वन ।

कालिम्पोगे प्रज्ञा चैत्य महाविहार धका विहार द्युकाः अन हे थः थमं प्रेस नं तथाः बौद्ध धर्म सम्बन्धि 'ललित विस्तर' थें जाःगु सफू व मेमेगु नं धार्मिक साहित्य थःगु भाषं थमं हे छापे याचा पिकाःगु खँला सकसिनं स्यू । थुथाय् लाक्क छगू गजब उत्थें खनेदः वःगु खँ छगू न्हयथने बहः जू । भी मां भाय्या थां धाय्का च्वम्ह मेम्ह पं० निष्ठानन्दजू महायानी ढंगया ललितविस्तर न्हापां संस्कृतं थःगु भाषे हीकाः थमं हे थासा आखः न्यावा हया छापे याना बिज्यागु खः । ठीक अथे हे थेरवादी पालि भाषं भाय् हीका महाप्रज्ञां अथे हे थमं थासा आखलं छापे याःगु नेवाः भाय्या बौद्ध संहित्ये लुमंके बहःजू । कालिम्पोंगया उक्त विहारे जिपिं बरोबर वनेगु व वस्पोललिस्य खँ ल्हा बल्हा याना च्वनेगु । अन धर्म ज्ञान जक मखु वस्पोलयाके मेमेगु नं अनेक ज्या खँया ज्ञान दुगु खँ लिस्य भन् भन् वस्पोलया जीवने विविधता खने दयाः वइगु । थमं हे अनेक रासायनिकत तःतग्वःगु सिसिइ तथा उकी सिजःतार थुना बत्वे स्वाकाः मत च्याकीगु, लःया धारं हीला चले

ज्वीगु घड़ि दयकीगु इत्यादि । थः थमं हे चायागु सीमेण्टयागु भगवताया मूर्ति दयकीगु, अनेक किपाः च्वइगु, आध्यात्मिक खँया गूढ अर्थ बोध याकीगु प्रतीकात्मक लक्षणा च्वइगु इत्यादि थज्यागु ज्याय् वस्पोलया ल्हान्ते सिद्धि दूगु खनाः भति अजु मचापि कम हे जुइ । थथे हे ईया घःचा न्ह्याना वना च्वं थें वस्पोलया विविध गुण लिख्यनं परिचित जू जू वन । थुमनं सःस्यू जुया नं भिक्षु जीवन हनाः, त्यागी जुया, छुं संग्रह मयास्य गज्या-गज्यागु थाकूगु परिस्थितिइ नं शीलया दूढ रूपं पालन याय्गु अभ्यास उगु बखते यावा वंगु धात्यों आदर्शपूर्ण जू । थमं भि हे मच्याकुस्य च्वनेगु याना गोन्हु गोन्हु तक ला कचिगु चाना जक बखे पवयाः मांडुइकाः नयाः जीवन निवहि याना च्वंगु जिमित निके छत् वं । घेबा धइगु थमं गुलितक थी हे मथीगु शीले च्वना विज्यागु नं लुमं । उगु व्यले थुखेर थेरवादी बौद्ध धर्मया महत्त्व थुपि व थुकी श्रद्धा दुपिलां दुगु हे मखुनी । अःखः भिक्षु धयापि जात मदुपि लाक्व-पाक्व सिगु ल्हानं नइपि धका भी आपालं नेवाः तसें ला भिक्षु संमत हे याइ मखुगु । अथे 'जां जात वनी' धइगु धारणा दुगु व्यले भिक्षुपित्तः दान बीगु, सःता भोजन याकेगु धइगु चलन दुगु हे मखुनि । जिं खूद स्यू तःम सखि नेवाःते छये यदि सुं गम्ह भिक्षुयात च्या त्वंकल वा छुं नकल धाःसा व नःगु कयः वा भू सिलेत न्ह्यापां मि छकु नि तइ । उथाय् थ्व अस्वाभाविक नं मखु छायाधाःसा जात पात मदुगु बौद्ध धर्मला भीगु सयाजया निति न्हुगु थें जुया पिहाँ वःगु । श्री धर्म रत्न यमिजूया भाषं धालसा, '...जयस्थिति मल्ल बरेशया व्यले नेपाले भिक्षु ज्वीगु निषिद्ध घोषित जूसेली लिपा अर्थात् ७०० सःद उपरान्त महाप्रज्ञा तथा वयंकया पोसापि हे थ्व युगया प्रथम भिक्षु (लासा) खः ।' थज्यागु परिस्थितिइ नं वस्पोल महाप्रज्ञाजुं भिक्षु जीवन हनाः च्वंगु लुमं लुमं थौकन्हे अजु मचास्य च्वने मफु । अले थज्यागु वातावरणे न वस्पोल दानया महिमायुक्त नाखं कनाः जिमित दान पुण्य याय सयकेगु प्रेरणा व्यूग दु धइगु गभलत जिगु स्मरण शक्ति न्ह्याय्दु लुमकाः स्वयंभले छुं मती लुया भवः । वस्पोल बः बीगु हे कर्म सुधार याय्गु, शील क्वातुकेगु, अले

गम्भीर तात्त्विक ज्ञान थ्वीकेगु । अथे जूगुलि वस्पोललिख्य इलें-व्यले कर्मकर्म, अनित्य अनात्म, प्रतीत्यसमुत्पाद, शून्यता विषयक खँ जुया च्वनीगु ।

थौं थ्व लोके मदय् धुंका वस्पोलया जीवनी पुइकाः स्वयंभले थ्व संसारे छम्ह बिम्ह गज्या गज्यागु चरित्रपि मनूतसें जन्मकाः धइगु विस्मय ज्वीगु । महाप्रज्ञाजुं नं ल्हगुःत्वाःया नानीकाजी श्रेष्ठया रूपे हिन्दुकुले जन्म जुया, ल्याय्म्ह बले, अनेक प्याखँ-नाटक, म्येमि हालेगुलिइ लगे जुयाः छक्कल हानं २१ दैया वेशे हे गथे बौद्ध भिक्षु जुया जीवने महात्त्व हचूपावल, थथे न्हूगु धर्म दीक्षित जूगुलिं हिन्दु धर्मया ठेकादारते भिक्षाया धू जू वनाः गथे थःगु देशं पित्तिका च्वने माल; गबले सं देया गूफाय गबले बर्बाया जंगले च्वना ध्यान याना, गबले बोधि वृक्षया बुद्ध गयाय् किचले च्वनाः गथे चा-न्हि कते याय् माल, गनं गनं जीवन मरणया समस्या नाप गथे संघषं याय् माल, अले हानं लिपा गथे गृहस्थ जीवक वतुं हनाः काय्म्हचाय् परिवार पालन पोषण याना च्वने माल फुक खँ अति रोचक न्यने बहः जू । छम्ह धर्म प्रचारक भिक्षु धका नां दम्ह, बेला बखते धार्मिक कार्यक्रमे व्याख्यान बीम्ह धका सकसिनं म्हसिया च्वंम्ह थ्व हे कालिम्पोंगे लिपा गृहस्थ रूपे हाट बजारे पसः तया जूगु, म्हं प्यंग च्यागः घेवा कया अस्तयुत बाकस दुने ह्वतं स्वयं बाइस्कोप कयना जीविका याःगु, हानं फोटोग्राफी पसः तया, फोटो काः जुइगु ज्या नं याःगु थन च्वपिनि चर्चाया विषय जुया वंगु खः । तर न्ह्यागु हे अवस्थाय् नं वस्पोलया ख्वाले विषाद धइगु मदु, न्ह्याबले वहे मुसुकाःगु ख्वा, बिचे बिचे न्हिला पिज्वइगु खं ल्हान-बल्हा ।

भिक्षु अतिरुद्धया शब्दे-भीथावे नेपाले स्थिरवाद बुद्ध धर्मया प्रचारया मूल हेतु बीज धात्यों धाय्माल धाःसा भिक्षु महाप्रज्ञा हे खः धाय्कुम्ह वस्पोल थगु जीवनया अन्तिम सिंच्यादं तिला छम्ह बौद्ध ऋषिया रूपे धर्म प्रचारक जुया सार्थक याना वन धया अप्पो खँ जुइ बताया । वस्पोल महाप्रज्ञाज्यागु थें विविधतां जाःगु कर्पमय जीवन हनाः वपि भी नेवाः पुचले गोम्ह हे ल्याखाय्गु दु धका ।

[ने० स० १०६६ दित्ता]

बुद्धयात खनेवं

—सम्यक्करत्न बज्राचार्य, ख्वप

जि न्ह्याबले थें थौं नं कसि बना ।
ख्वा सिले धकाः लः थल काय्थ्यागु ईले, जिगु
म्हाय्प दुने दुने भुतुलि देखुनातगु जा दासि वगु
सः द्वाही वन । काचाकिचि द्वाही वना कपं उला-
बिया । “ख्वा म्हाय्पहस्यां कपं उला बिल
धकाः पूजा कुथि बुद्ध पूजा याबा च्वंम्ह कला
ज्ञाबीदेवी हालाहल । ज्ञानीदेवीया चितासु मदुगु
नुगलं बोवसी दुपिम्हथें भुनुभुनु हाला च्वन ।

ख्वा हे मसिम्हस्यां भुतुलि द्वाही वना कपं
छलाबि धैगुनं हिसि दुगु ला व ? लः छपास
कया सिखा पिया वंगु जुसां छगु हे का ।”

ताउतक रयारात्यारा हाला च्वंगु खना जि
सुक च्वने मफुत ।

जि नं थः नुगले वथें प्रवचन याना बिया—

“छ न्हिथं पूजा कुथि च्वनो बुद्ध पूजा
याइगु मलोथें जुल । छन्त न्ह्याबले भन्ते
पिन्थाय वना शील-प्रार्थना याना वम्ह नं धाय्
मल्वल । छ बुद्धया उपासिका हे नं मखुथें
च्वन । थथे न्ह्याबले त्यो-मत्यो चिप निप धकाः
हाला ज्वीगु उपासिकातय्त ठीक मताथें च्वं ।
वहे कुसंस्कारे द्वाही वना पुंलागु परम्पराय् म्वाना
च्वनेगु हिसी मदुथे च्वं । स्व ! छन्त युग
मथ्युनि । बुद्ध पूजा जुथाय्तकं वना च्वंम्ह उपा-
सिका धाय् मल्वनि । थौं तकं छं थःत प्रगति-
शील त्वाथले पलाछि मफुबि ।”

जिगु ताहाकगु प्रवचन वैगु नुग थुंदित थें
मस्यु पूजा कुथि फेंतुबा च्वंम्ह ज्ञाबीदेवीया म्हुतुं
चुइक सः प्याही मवल । वैगु मौनवां जि भगडा
स्याम्ह थें तिं फुंइ दत । जिगु नुगदुने वैगु संस्कार-
प्रति क्रोध दयावल । तसतं हाले रयनागु खः,
तर क्रोधं भिकि मखु वैगु बिचां जित स्वतावक
चिना बिल । क्रोधया यक्को-यक्को घटवात जिगु
नुगजायक धें धें बला म्हुता च्वन । अतीतया
छताछता खं किपाःथें खने दया च्वन । वहे
किपा जि थःकला ज्ञानीदेवीयात कनाः बिया,
“छं सिहे स्यु, न्हापा उखे च्वंम्ह पुचमाया तताजुं
छुं हे मस्यु । लिपा भन्ते पिन्थाय् वनेयासां-
निस्ये वैगु नुगले धर्म अधर्मया भेद थुयावल ।

तर पुनमाया तताजुया पहचहं तधिक भाजु लय-
ताय् मफु । न्ह्याबले थःकला खना तं पिही व ।
तधिक भाजुया ख्वा न्ह्याबले कुसुरुं च्वं । अथे
जुसां थः मिज्यात लयताय्केगु वास पुनमाया
तताजुयाके नं दु । उकि तधिक भाजुया ख्वाले
तं प्याही वसां पुनमाया तताजु मुसुमुसु न्ह्यु ।
बिहारे वनिबले पुचमाया तताजुं भन्तेतिन्त नं ठीक-
ठाक याय्स । पुनमाया उपासिका वल धका भन्तेपि
नं न्ह्याबले लयता । थुगु क्रम न्ह्यावना च्वंगु
पुचमाया तताजुया म्हास बसन्तया कयवथें न्हिथं
वस्वा दया वल । तधिक भाजुया बनेज्याय् लव
अप्पो खनेदयावल । पुनमाया तताजु दान-धर्म
याय्त लिफ मस्वइम्ह जुल । तधिक भाजुया धन
अप्पो दया वलिस्ये नुग लयताल । तर न्ह्योम्ह
जुया वन । गुबले-गुबले थः धनया लोभं चा
अथे फुइगु जुल । थुकथं थौं धा-धां कन्हे धा-
धां न्हि वन । चा वन । लच्छि बिला फुत ।
अयनं तधिक भाजुया न्ह्यो मवल । न्ह्यो वय्-
केगुया वास, अय्ला पासा काल । न्ह्याबले
बहचि वनेत अय्ला त्वनिम्ह जुल । भति-भति
यायां अमलं जीवन हुसुलुं पुया च्वन । वासया
रूपे त्वने याना तगु अय्लाया मात्रा बढे जुया
वल । ज्ञानं अज्ञानत पासा काल । बुलुहं-बुलुहं
तधिक भाजुं मुसावाद खं ल्हाय्गु सयकल ।
वैगु ल्हाति हिंसा सतिबा वल । व्यभिचारं वैगु
पला उखेला-थुखेला भन्त । धिवा दया व लिस्ये
तधिक भाजुया बुद्धि पतन जुया वन । थः भातया
पहचह स्वस्वं पुचमाया तताया मिसाय् नं न्हयो
तापाना वन ।

“छ्यात धासा जि । स्वैत कयसा बांलाइ
गुकथं यासा पतिदेव भमल स्वति ।” पुनमाया
तताजुया नुगले थः भातया पीर कसा याना च्वन ।
चितासु मदुगु नुगले उखें-थुखें न्यने कने यात ।
गुम्हस्यां धाल, “कतपिस स्यंकाः तल ।”
गुलिस्यां धाल, “धेवा अप्पो दयावगुलि
उन्मत्त जुगु” थुकथं जलःखलःया अनेतनेया खं
न्यना पुनमाया तताजु हिंसी चाल । तर थुखे
धिवां ति ति हुया च्वंम्ह तधिक भाजु आकाश,

पाताल छथु पला वयाथें च्वंक थः इतिहास लोमंका च्वन । नाना तहल मन-मस्त जुया अज्ञान त्वपुया च्वंम्ह तधिक भाजु थमं द्वंकागु पला खंके मफुत । लिपा बुलुहुं लोक लाय् लाय् बुं हिबाय् चबाय् यानां तिवि खथें मखुथें मिखा प्वा चाल । थः गल्ली सभाजे खा सुचुके मफुत । न्याबले थः द्वंगु मुल मदय्केत कुत याबा च्वन । थःम याय् धुंकुगु अल्याख गल्ली-तय्त म्हुया छवय्गु लपु मातुमाला च्वन । अथे सां अतीतया कुचक तय्स वयात लितु लित न्हयाथाय् वसा थः पाप जक ल्यु-ल्यु वया च्वन । गुकिया भोग थौं तधिक भाजुं नुगले पंखा गाय्कां च्वनान चितासु त्विके मफय्का च्वन ।

उखे वन । थुखे वन । अयनं नुगले शान्ति मन्त । न्हापाया उन्मत्ततां वैत कसा यात । न्हापा थःम यानागु अहं, थौं वयात दुःख, पीड़ा जुया लाय् लाय् बुया च्वन । आखिर तधिक भाजुं याय्फेगु छु ? याय् धुंकुगु पाप तनावलि मखु । लाय् धुंकुगु घाः छथु लाया बनी मखु । वहे पापरूपी घाःलं वयात कसा-यात । पला पति हिमि चाय्कल ।

“थः भातया थुगु कथंया पापाचारया कर्म पुनसाया तताजु वीं थें जुल । अनेतनेया उपाय भाजुल । स्युक्को ताक्को मनुते भलसा पव जुल ।

“आखिर जिंदगी दुःख, पीड़ा, छटपटी जुइगु सर्वार्थसिद्ध तथागतवाहेक छु हे खंके मफुत । न्हियं परित्राण-पाठ याबा थः भातया त्वय लंके फेगुया विश्वास पुनसाया तताजुया पला बुलुहुं विहार

पाखे न्हावन । भन्तेयात थः भातया बाखं कन । तथागतया भव्य लिक्क च्वचा विज्याम्ह दयासागर भन्ते शान्त चितं परित्राण-पाठ जुल । परित्राणया जल छें वचा थः भातयात त्वंकल । परित्राणया शब्दार्थ न्यंकल ।

थुकथं स्वन्हू-प्यन्हू भन्तेया परित्राणया जःलंया प्रभावं उन्मत जुया च्वंम्ह तधिक भाजुया खवाले शान्त युक्त हचुपा खने दया वल । थः पीड़ा, दुःख, उन्मत्ता तापाबा वन । तधिक भाजुया मिखाय् तथागत भगवान् बुद्धया सुन्दर शान्त भव्य मूर्ति न्होने देंवल ।

सुन्दर शान्त भव्य मूर्ति न्होने देंवल । “आ तधिक भाजुया नुगले क्लेश मन्त । दुःख मन्त । पीड़ा मन्त । तधिक भाजु तथागत बुद्धया मूर्तिनापं तना वनिम्ह जुल । कलाया बुद्धि-बरकतं स्वाबा च्वंम्ह तधिक भाजु थौं जलाखलायात पाप-धर्म या खं कनिम्ह जुल । बुद्धया न्होने फेतुना “त्रिरत्न शरण कया वित्य विहारे वना सदोचारी जुल ।”

जिगु थुकथं ताहाकगु बाखं न्यना पूजा कुथि फेतुना च्वंम्ह ज्ञानीदेवी नुगलं खूय् भमुका पिज्वल थः मिथ्या-दृष्टिवाचा च्वंगु बोलाक वाचाल । न्हिया न्हियं बिहारे वचा च्वसां जिंदगी छुं कथंया छगू हे बिमित मदयका बोध भजु धयागु थुइकल ।

थ्वहे लुमन्ति थौं थः भातया ताहाकगु न्वचुं पूजा याना च्वंम्ह ज्ञानीदेवीया नुगले हयुपा वल । मिहग तक पिनेया मिखां जक खंका च्वंम्ह गौतम बुद्धयात थौ वं नुगलं बिरये खंका च्वन ।

[९ पेजया]

शिक्षापदयात अभिसमाचारिक शील धका धाइ । उगु अभिसमाचारिक शील पूर्ण जुल धायेव तनि आदि ब्रम्हचरियक शील पूर्ण जुइ फइ । उकि भगवानं धया विज्यात भिक्षुपि बिना अभिसमाचारिक शील पूर्ण भजुइकं आदि ब्रम्हचरियक शील पूर्ण जुइ धइगु थ्व सम्भव भटु । थुगु प्रकारं अभिसमाचारिक शील आदि ब्रम्हचरियक शील कथं विगू प्रकारं दया च्वन ।

तृतीय द्विक जुया च्वंगु निगू प्रकारयागु शीले जीव हिंसा आदि विरत जुया च्वनेगु शील-यात विरति शील धका धाइ । बाकि चेतना आदि यात अविरति शील धाइ । थुकथं विरति शील अविरति शील धका विगू प्रकारं दया च्वन ।

चतुर्थ द्विक जुया च्वंगु निगू प्रकार दया च्वंगु शीले निश्चित व अनिश्चित धका विगू प्रकारं दु । उपि निगूली नं निश्चित विगू प्रकारं दु,

तृष्णा निश्चय व दृष्टि निश्चय । उपि निगू मध्ये जिगु थव शीलं शक्र सुयाम आदि प्रख्यान्त अप्रख्यान्तपि देवतापि मध्ये सुं छम्ह देवता जुइ दयमा धका प्रार्थना यात धाःसा थुजागु भवव्य यागु इच्छा याना पालन याःगु शीलयात तृष्णा निश्चित शील धका धाइ । गुम्हसिनं शीलं संसारं शुद्ध जुइ धका विश्वास याना पालन याइ, उगु शीलयात दृष्टि निश्चित शील धका धाइ । गुगु शील लोकुत्तर जुया च्वन, उगु लोकुत्तर शीलया हेतु जुया च्वंगु विवट्टुपनिस्सय लौकिक शील खः उगु लोकुत्तर शील विवट्टुपनिस्सय लौकिक शील तृष्णा दृष्टि रहितगु जुया निति अनिश्चित शील धका धाइ । थुकथं निश्चित व अनिश्चित शील धका निगू प्रकारं दया च्वन ।

षष्ठम द्विक जुया च्वंगु निगू प्रकारयागु शीले लाभ यश ज्ञाति वन्धु अङ्ग प्रत्यङ्ग थःगु प्राणयात कया पालन याःगु शीलयात सपर्यन्त शील धका धाइ । विपरीत शीलयात अपर्यन्त शील धाइ । प्रति-सम्मिदामार्ग माली धयातःगु दु-गुजगु शीलयात सपर्यन्त शील धाइ ? लाभयागु कारणं स्यनीगु शील दु । यशया कारणं स्यनीगु शील दु । ज्ञाति वन्धुया कारणं स्यनीगु शील दु । अङ्गप्रत्यङ्गया कारणं स्यनीगु शील दु । प्राणया कारणं स्यनीगु शील दु । लाभया कारणं स्यनीगु शील गथे धाःसा थव लोके गुलि लाभया निति, लाभया कारणे थःमं ग्रहण यानागु शिक्षापदयात उल्लंघन याइ । थव शील लाभयागु कारणं स्यनीगु शील धका धाइ । थुगु रूपं मेमेगु शील-यागु नं विस्तरं सीकेमा ।

अपरियन्त शीलया लिसः बिया तःगुली धया तःगु दु, गजागु शीलयात लाभ खंसां नं स्यनी मखुगु शील धाइ, सुं गुम्ह मनु लाभया निति लाभया कारणे थःमं ग्रहण यानागु शिक्षापदयात उल्लंघन यायगु निति चित्त तक नं वनी मखु वं छु उल्लंघन याये फइला, थुजागु शील-यात न लाभपरियन्त शील धका धाइ अथवा लाभ खंसा मस्यंगु शील धका धाइ । थुगु प्रकारं

मेमेगु शीलयागु नं विस्तार याना सीकेमा । थुकथं सपर्यन्त अपर्यन्त शील धका निगू प्रकारं दया च्वन ।

सप्तमं द्विक जुया च्वंगु निगू प्रकारयागु शीले फुक आश्रव सहितगु शीलयात लौकिक शील धाइ । हानं आश्रव रहितगु शीलयात लोकुत्तर शील धाइ । व निगू प्रकारयागु शील मध्ये लौकिक शीलं भव-सम्पत्ति विशेष यात हया बिइ । हानं भवं मुक्त जुइगु साधन नं जुया च्वनी । भगवान बुद्धं गथे धया विज्यात धाःसा प्रज्ञप्ति याना तःगु बिनय शिक्षा पद संवर न्यागुयात संयम बायेगुया कारणे जुइ । संयम न्यागु पश्चाताप मजुइकेया निति जुइ । पश्चाताप जुइम्बागु हर्ष प्रशन्न (पामोज्ज) जुइकेया निति जुइ । हर्ष प्रशन्न जुइगु बलव प्रीतिया निति जुइ । प्रीति अश्रब्धि (शारीरिक व मानसिक शान्ति) या निति जुइ । अश्रब्धि शरीर मानसिक सुखया निति जुइ सुख समाधिया निति जुइ । समाधि गथे खः अथे हे स्यूगु यथा भूत ज्ञानया निति जुइ । गथे खः अथे हे स्यूगु यथा भूत ज्ञान संस्कारे वैराग जुइगु निव्विन्द ज्ञानया निति जुइ । निव्विन्द ज्ञान विराग नां जुया च्वंगु मार्ग-ज्ञानया निति जुइ । मार्ग ज्ञान अर्हत फलया निति जुइ । अर्हत फल त्रिभुक्तिज्ञान दर्शन धयागु प्रत्यवेक्षण ज्ञानया निति जुइ । प्रत्यवेक्षण ज्ञान हानं छको उत्पत्ति मजुइगु परिनिर्वाणया निति जुइ । छुं छगु आरम्भणे आश्रित मजुस्य गुगु चित्तया मुक्त जुइगु दु मुक्त जुइगु बिनय सम्बन्धी खं ह्यायगुलि दु । उगु मुक्त जुइगु विमोक्ष लाभ जुइगुया निति फाइदा दु । च्वे कनावंगु बिनय पालन यायमाःगु केवा तःगु कारण व विमोक्ष धयागु फल दु धका कना विज्यागु दु । लोकुत्तर शीलं भवं मुक्तगु निर्वाणे थ्यंका बिइ । प्रत्यवेक्षण ज्ञानया आधार आरम्भण नं जुया च्वनि थुकथं लौकिक व लोकुत्तर अनुसारं शील निगू दया च्वन ।

द्विक शीलया रासि क्वचाल

वे० स० ११०० न्हूदया लसताय सकल साहित्यार च्वामि, च्वमि नाप धर्म हामि भाजु मयजुपिन्त भित्तुना ।

—धर्मोदय (ज्य-पौ) कालिम्पोंग ।

न्हू दैं : छगू प्रतिक्रिया

—योगवीर शास्त्र, कालिम्पोंग

थौं भी न्हू दैं !
थौं भी म्हपुजा !
तर
म्ह-पुयायूत
पोताय-त्वहँ मदुगु थासे
पोतायू-चुं माला:
भी बापिं
त्यानुया च्वन ।
ग्वे-स्वाँया इवले किपा-
कया च्वंम्ह गथुया सपना
बिपनाय् ग्वे-स्वाँया
फुक्क सुकु गना च्वन ।
कचिका मदुगु दराज
ह्वातां उला:
ताथे पसल्या थस्स पाया च्वन ।
उकें भी बापिं
पोतायया पलसा
छुचु नं मन्दः दय्का च्वन;
ग्वे-स्वाँ मखु
भौ-स्वानं छायापिया च्वन ।
कचिका मखु, भी बापिसं
सुकाया कोखा दय्का च्वन ।
अले
मच्याःगु चिकनं याना:
त्वाय्वाःया पलसा
मैनमत च्याके हया च्वन ।
खसिं, तःसि, स्यांगुलि छगःछगः—
थुखे उखे ल्हय्गु बिचालं
भी दाजु-किजापिं नं
इवःछुत सुकुली
सकं काय्त्त ।
थ्व स्वया जितः
थथे मती वल—
भौ-स्वाँ फूलदानी तया:
छुचुं महि भूइ तया:
तःसिया पलसा कागती तया:
थःथमं बसला कया:

प्रकाशकयापाखें

नेपाल सम्बत ११०० न्हू दँया भितुना

भी धर्मोदय पत्रिका हानं चुलि जाय्का
ब्यूम्ह श्रद्धावान दायकयात ।
ग्राहक दय्का ब्यूपिं महानुभावपित ।
ग्राहक जुया दीपि-बिज्यापित ।
लेख-कविता च्वयाः पत्रिका छायापा ब्यूपिन्त
छापें याना दीपि प्रेसवालापित ।
धर्मोदय पत्रिका पिदकेगु ग्वःसा यापिन्त ।
धर्मोदय पत्रिकाया ग्राहक ज्वीपिन्त ।
धर्मोदयपत्रिका हाकनं स्वयेदत धका
लय्तापित ।

क्षमा याचना—

धर्मोदय पत्रिका प्रेस व लेखादिया कारणं
धिला जूगु अवश्य खः, अथेनं म्हुना हे जा वनि-
मखु धाय्मा । कारण, गन तक बुद्ध धर्म व
थःत श्रीजन्य याःम्ह मायाभाय् लुमकाः च्वनिपि
दतलें थ्व पिहां वेगु कुतः याना च्वबी ।

छगू उपाय

धर्मोदय पत्रिका चिरस्थायी याय्वालागि
थःगु दुनेनिसैंया हृदयं खना ग्राहक जुये नं माल,

सकलें इवःछुइत ला
गजबगु अभाव, वाध्यताया
कोखां कोखया
न्हि न्हि पूर्वाभ्यास ला जुया च्वथें च्वं
भी दुने जक
भी छेँ जक
उकें, बरु जितः
पोताय् त्वहँ गुं क्वे
ग्वे-स्वाँया कचब,
खवःसिं, तःसि, स्यांगुलि,
तु, वा ज्वाय् ज्वाय् सय्का:
कचिकाया उद्योग याना:
भीगु म्हपुजा पूर्वाभ्यास जक मखु—
छेँ दुने
विश्व दबुली हे याय् मास्ते बः ।

प्रधान सम्पादकया खँ

भाय् व साहित्यया विकास गुलि जुगु दु धका स्वयं माल धासा भीसँ भाय् गुलि विभिन्न विषये सफु पत्र-पत्रिका प्रकाशित जुगु दु व भाय्या शिक्षाया निति गुलि व्यवस्था जुगु दु, स्वयं मा । साहित्य व भाय्या छगू पक्षजकया उन्नति जुल धका वय्त सम्पूर्ण रूपेँ विकसित जुगु दु धका धाय् मज्यु, धाय् फ़ंगु खँ न मखु । भीगु पुलांगु भाय् अथे च्वेँ, अथे च्वेँ, भी पुलाँ-पुलांगु सफु थव-थव खः धका ऐतिहासिक महत्वजक वचना व कना विकास जुगु जुइ मखु । पूजा यावा तया तय्गु खँ मेगु हे खः, विकाश जुइ व विकसित जुया च्वंगु धका धाय्गु मेगु हे खँ खः ।

विकासया लय् बना च्वंगु भाय् व साहित्यया ऐतिहासिक महत्वया पक्ष छुं मखु व उकिया छुं हे महत्व मदु धका नं धाय् ज्युगु मखु । तथे ऐतिहासिक महत्वजक वचना च्वना व उकि हे बिचिन्त जुया च्वना विकाश जुइ मखु, ला सा विकासया लँ हे पना बिई । थाय्-थासे भाय् नं दुगु खः, उकिया साहित्य नं दुगु खः, तर ऐतिहासिक महत्वजक वचना व कना च्वंगु जुया अनया भाय् व साहित्य विकसित जुइ मफया लोप हे जुया वंगु व भचाभचा ल्येँ दःसाँ, सिना वने धुकुंगु भाय् जुया वगु खँ इतिहासँ प्रमाण बिया च्वंगु हे दु । भाय् वा साहित्य लोप जुया वंगु जक जुसाँ छगू खँ, तर व जातिया सभ्यता व संस्कृति हे वाप-नापेँ

लुप्त जुया वना जाति हे बाखँया खँ थे जुइ धुकुगु खँ थन धया च्वने मागु मखु । इसिसं थःगु भाय् व साहित्य मसिया, थःगु सभ्यता व संस्कृति नं मसिया आयागु युगे भेपिनिगु भाय् व साहित्ययात थःगु धका, इमि हे सभ्यता व संस्कृतियात नं थःगु धका स्वीकार याना गवँ नं याना च्वंगु खँ भिखा हे तिसिना जुसाँ भीसँ खना हे च्वनागु दु ।

थ्व हे संदर्भ भीसँ थःगु भाय् व साहित्य, सभ्यता व संस्कृतिया खँ विचा याय्मागु अवस्था वयधुकल । भी अनूतः थः देँ तोता जीविकाया निति विदेशे वना गन-गन वन, अननया बासी व सागरिक जुया च्वना च्वन । स्वभावँ हे अनया बहुसंख्यक जनताया भाय् साहित्य, सभ्यता व संस्कृतिया प्रभाव ज्वना यंकुगु दु । फलतः क्रमशः थःगु तोता इमिगु कया च्वन । आयागु समये थ्यना इसिसं थःगु अवस्थाया बोध याना भीगु भाय्, साहित्य, सभ्यता व संस्कृति हे भीसँ काय् मा, तोते मज्यु धंगु चेतना वया च्वन । थ्व अवस्था वया च्वंगु बखते भीसँ थःगु सभ्यता व संस्कृतिया पुनर्जागरणया निति भी भाय् व साहित्यया प्रचार व प्रसार बालाक याय् मागु खने दु । थ्व ज्याया सम्पूर्ण सफलताया निति धार्मिक साहित्यजक गाइ मखु, धार्मिक साहित्य विकासया छगू पक्षजक खः, फुकक मखु, संसारे दक्क विषयया साहित्य झी भाय् मदय्कँ मगा । जातिया सम्पूर्ण विकासया निति थ्व आवश्यकजक मखु अनिवार्य हे जुया वय् धुकुगु दु । थ्व संकीर्णता वा साम्प्रदायिकताया खँ मखु ।

ग्राहक दय्के नं माल मेगु छगू धर्मोदयया थःगु हे चिकचा धंगु प्रेस छगू दय्के फःसा पत्रिका जक मखु धर्मोदय विहारया आर्थिक अवस्था नं बलके दइ ।

सुं महान दातापिन्त निवेदन—धर्मोदय विहार तथा धर्मोदय पत्रिका बलका तयेफुपि भी पुचले आपालं दु तर छयाय् फुपि दःसाँ बिचार छखे लानाः मन-मिखाँ थुखे मखं थे च्वं । चुलि जाया वःगु थुगु शुभ-कार्ये सहयोग रूपी साः तियाः, लः बियाः बलकाः बीगु तिवः ब्यूसा सहस्र जनताया उपकार जुइगु पुण्य लाभ जुइगु खः ।

बहुजब हिताय बहुजब सुखायया महान उद्देश्य ज्वना थज्यागु हे शुभ कार्य याना वपिं आदर्शवादिनि थुथाय् लुमके बहःजू । धन्य अशोक

महाराज ! धन्य धर्माकर राज ! धन्य चक्रवर्ति ! छलपोलया असीम कृति थौं भीगु न्ह्याने भगवान बुद्ध बिज्याना च्वथे हे ताय्का थका बिज्यात । धन्य अबाधपडिण्क महाजन ! कोटि कोटि असफि लायाः भूमि कयाः विहार इत्यादि निर्माण याना दास यानाः दानया चलन थौं तक न्ह्याका थकल, धन्य !

धन्य बेश्या आम्नपाली (गणिका) ! बेश्या जुया नं थःगु अपाय्धंगु आम्नवन (उदयान) दान याना थौं बुद्धवंशावली नां जाय्कल, धन्य ! अथे हे वर्तमान-भविष्य तक धर्म-चित्तपि पुण्यवाच दायक दातापिं दया च्वनेमा ।

श्रामणेर महावीर
प्रकाशक धर्मोदय पत्रिका, कास्तिम्पोंग ।

नेपाल भाषाको शिक्षा

(भाग—६)

Lessons On Nepal Language

(Part—6)

नेपाल	नेपाली	English
राग, द्वेष व मोहयात तोती । ...	राग, द्वेष र मोहलाई छोड । ...	Do away with passion, aversion and infatuation.
जाया सिबे मरी नयगु थिके । ...	भातभन्दा रौटी खानु महंगो पर्छ । ...	It is dearer to eat bread than to take rice.
ईने छन्त पिया चक्की मखु । ...	समयले तिमीलाई पर्खिबस्दैन । ...	The time does not wait for you.
बामायात थें कबी मा यात लः खापा म्वा । ...	धानको बोटलाई जस्तो मकैको बोटलाई धेरै पानी चाहिँदैन । ...	Maize plant does not require much water as paddy plant does.
पसल्ल्यात गभले-गभलें दया नै दया । ...	पसलेहरूलाई कहिले काहीँ बोक्सान पनि पर्छ । ...	The shopkeepers sometimes get a loss.
गभलें मसया दयाई । ...	कहिले बजानेर बोक्सान हुन्छ । ...	Sometimes the loss is because of the lack of knowledge.
नयगु धयागु स्वादया निति जक मखु । ...	भोजन स्वादको निति मात्र गरिंदैन । ...	The food is not taken for the sake of taste only.
उक्ति गुगु नया स्वास्थ्य भिकी मखु, व नय मज्यु । ...	त्यस कारण जुन वस्तु खानाले स्वास्थ्य राम्रो हुंदैन, त्यो खानु हुंदैन । ...	Therefore those things should not be eaten, which make a bad health.

—‘नेवा भाय्या शिक्षा’ बोट (संशोधित)

—from ‘नेवा भाय्या शिक्षा’

(Revised)

नेपाल सम्बत ११०० को शुभ उपलक्ष्यमा हामी हाम्रा

समस्त ग्राहक, शुभचिन्तक तथा एजेन्टहरूमा

नववर्षको

मंगलमय कामना राख्दछौं ।

विनीत



डी० पी० उपासक एण्ड सन्स

प्रमुख नेपाली प्रकाशक तथा पुस्तक बिक्रेता

दूरभाष ४२४

कालिम्पोंग-७३४३०१ (भारत)

‘धर्मोदय’ लय-पौया ग्राहक भवले छिगु नं नां क्वय् च्वंगु स्वापू
कुथिङ् दुथ्याका दिसँ ।

साहु ज्ञानज्योति कंसाकर
यँहिती
पो० ब० नं० ३५२
ये, नेपा:

श्री दयारत्न शाक्य
१४/१४६ नरेदेवी त्वाः,
भुलुखादेवल,
ये, नेपा:

व्यवस्थापक
‘धर्मोदय’ लय-पो,
डम्बरसिंह चोक,
कालिम्पोंग (भारत)